


珂雪初集



珂雪詞序

六義之學至揚馬而乃浩瀚故昔人以能賦爲大手比
來文士賦殊寥寥固宜歸之詞曲明矣夫聲律始於八
闕此星宿海也而其氣與天地之氣相通天地之氣日
開故聲律之道亦日暢而詞曲中之天地亦復曠然無
盡三唐可謂四瀆行地浩淼千秋矣至滄溟所歸非宋
詞元曲將何屬焉蓋所貴乎大海者蛟龍出没風雨驚
飛天地迴旋日月隱現詞曲亦然於六義中變賦之體
而得風之用故非五七言詩之所可盡矣前人漫有軒
輊矜其所長文人習氣耳恐未爲定論也今日之以詞

曲名海內者指不勝屈而實菴之詞則錚錚先鳴跗注
之君子往往壁上觀矣予每讀實菴之詞驚魂蕩魄儻
恍不定初讀弔古諸作慷慨悲涼羽聲四起如逢祖士
雅劉越石諸人既而讀咏物諸作入微窮變五色陸離
又若樹珠幢于谷王之曲而百寶麈赴也已乃過實菴
所求諸作盡讀之無體不工而田居世外之音往往而
遇如聞魚山之梵兩腋生風五濁欲洗又疑非金馬直
廬間人也因復更有請焉陸海局促蚊虻一器啾啾耳
神遊八極之表攬化人之袂而上征者亦有人乎然而
左思曹唐尚窘邊幅玄風未暢是則吾所淡望于實菴

者倘方走筆賦我當拍洪厓之肩瀝酒勞聲而歌之步
虛之音上薄禹餘黃曾天上九華紫微諸仙子安知不
拊雲璈而和之乎客謂予曰實菴生有異徵蓋自比丘
中乘願來者淡於榮利久矣今不究粲可之宗而反抽
秦黃之簞綺語未盡毋乃爲秀鐵面所呵歟予听然而
笑曰是未可執也夫慧業文人宿習難淨迦葉聞梨園
其所也而義之予奪有殊實際理地一字未盡便成毒
鴆卽古德青龍疏鈔亦須付咸陽一炬至于縱橫入妙
能轉法華則本來寂滅不碍鶯花文字性離無非般若
頻呼小玉亦可證入圓通有餘矣實菴方究研佛頂尊

經果能鞭心于此離卽離非能所何碍焉况區區花間
蘭畹遽至仰窺虛空耶吾將就實菴而叩之東蒙高珩
題

序

言爲心之聲凡其言可以垂世傳久者必其人足以命
世世不能用而後出于此上之建立宇宙綱維世道如
尼山之脩明六藝次亦特抒卓識使後世見其心于斯
人斯世中如莊周屈平之儔故其言炳然不可磨滅千
萬世誦之弗衰典謨降而子史三百篇降而離騷樂府
則時會使然正不必限體于古今常格也羅近溪有云
聖論六語繼續于虞廷十六字决人心道心危微精一
執中之旨微矣孝順父母之語愚頑童稚誰不能言而
謂繼續虞廷可乎然非妄也庸俗之言皆古聖身體所

發習焉不察安望其行著故舜好察邇言爰稱大智天
道聖教豈外于庸言庸行哉子史離騷樂府皆所謂自
見其心者自樂府變爲近體近體禮爲詩餘識者有江
河日下之歎而黃庭堅謂晏殊之詩餘爲高唐神女之
流張耒謂賀鑄之詞如屈宋蘇李此豈無見而漫言蓋
所遇者天機不復計其形貌卽童謠婦歎無不有至微
寓焉此亦百樂村馬之說運之腕舌則庖丁之解牛已
二三十年來詩屢變而下學士髦俊出其餘勇于詩餘
詩餘則屢進而上安丘曹寶菴先生以咏物懷古諸編
爲海內所推予受珂雪詞讀之真如仰崑崙泛溟渤莫

測其所際翫翬磊落雄渾蒼茫是其本色而語多奇氣
峭悅傲睨有不可一世之意至其珠圓玉潤迷離哀怨
於纏綿欵至中自具蕩灑出塵之致絢爛極而平澹生
不事雕鏤俱成妙詣其亂篇則如萬頃澄湖千重巖嶂
長濤細漪隨風而成瓌異秀冶觸目而得琢句則如蹙
金結繡層剝蕉心天成于初日芙蓉不盡于抽絲獨繭
鍊字則險麗搖曳而生香雋逸蜿蜒而流奕洵乎此宗
之大家不但於蘓辛秦李姜史分其一席而已也先生
命世長才無心游藝卽詩文之高妙不足以繫生平况
于詞之末技乎流詞忌其腐次甚有似于莊周莊周識

高學廣思密才如故十
 境不超有途必入引之以孤
 觀者如溫嶠之照牛
 島非斯世所常聞見
 之奇邁也蓋先生生于鄒魯之邦身尼山之教而於天
 道人事之氣運靜觀然會于升降之數苟一旦得時而
 乘轉婁婉纖艷之情為風雨雲雷之用驅龍蛇虎豹以
 禦疆圉使麟鳳接武廟堂海內之人因詞而見其心以
 珂雪比于廣平梅花之偶興則斯詞也其不朽之先聲
 矣新安王煒篔

詠物詞序

霜凋魏帳月中之剩瓦何多水咽秦關地上之殘城不
 少天若有情天寧不老石如無恨石豈能言銅駝殼觶
 恒逢秋至以偏啼銀鴈觴沙慣遇天陰而必出山當雨
 後易結修眉竹到江邊都斑細眼溯夫皇始以來代有
 不平之事千年關塞來往精靈萬古河山憑陵鬼物縱
 復人稱恨甚事奈愁何江淹工愀愴之辭鮑照擅蒼涼
 之賦正恐世閱世以成川年復年而作谷捧黎陽之士
 堙此何窮積函谷之泥封來不盡然而劍鋒盡缺總為
 菊觀壺口新殘只因細故青史則幾番劉項誠然於我

何堪黃河則滿地袁曹遑日干卿奚事或蝦蟆陵上暮
年紅袖所閒談或鸛雀樓邊故老白頭之夜話或武擔
過客曾看石鏡於成都或盤屋居民偶得銅盤於渭水
苟非目擊卽屬親聞事皆磊砢以魁奇興自顛狂而感
激搥牀叫絕蛟螭夭矯於胸中踞案橫書蚪蚪盤旋於
腕下誰能鬱鬱常束縛於七言四韻之間對此茫茫姑
放浪於減字偷聲之內唵成十闋事足千秋趙明誠金
石之錄遜此華文郭弘農山海之編慙斯麗製嗟乎煙
霾天水囂宮旣募草千堆浪打章門灌廟亦殘陽一片
悲哉季扎劍影徒青逝矣劉郎奩痕尚紫銀槎泛斗難

追博望之勲名彩筆凌雲空羨馬卿之詞賦何況長平
繡鏃恨血全紅大食水薨愁雲半黑織成魚素粘海氣
以猶腥掣得龍髯鼓天風而倍怒豈非諛諛出出諾臬
之所未收怪怪奇奇齊諧之所不載者哉僕每怪夫時
人詞則呵爲小道儻非杰作疇雪斯言以彼流連小物
之懷無非淘洗前朝之恨人言燕市實悲歌慷慨之場
我識曹君是文采風流之裔狂歌屢沓聊憑鳳紙以填
來老興淋漓亟命鸞笙爲譜去陽羨陳維崧題

詞話

實菴兄爲人端飭不苟訾笑至填詞乃婉麗纖媚時或
飛揚跋扈俶詭不羈此彭澤閒情廣平梅花令人不能
測識也

蛟門自負詩歌不可一世獨以文章讓予填詞推實菴
三人每酒酣爭勝氣不能下近予頗爲長短調實菴怒
罵曰汝不思壓倒蛟門乃闖吾藩籬耶吾將爲古文辭
矣予曰諾請屬橐鞬以從時日子綸斐顏修來光敏在
座爲之捧腹絕倒

柳生敬亭以評話聞公卿入都時邀致接踵一日過石

林許曰薄技必得諸君子贈言以不朽實菴首贈以二
闕合淝尚書見之扇頭沉吟歎賞卽援筆和韻珂雪之
詞一時盛傳京邑學士顧菴叔自江南來亦連和二章
敬亭名由此增重

阮亭先生閱實菴懷古風流子數闕拍案稱善題其稿
曰曹大乃爾奇絕

詞以神氣爲主取韻者次也鏤金錯綵其末耳本朝士
大夫詞筆風流幾上追南唐北宋彭王鄒董夙擅熒聲
近來同人中惟錫鬯蛟門方虎實菴超然並勝實菴不
爲閨襜靡曼之音我視之更覺嫉媚其神氣勝也

寶應陶處士澈入都門呼予與實菴爲南曹北曹友朋
間遂以此爲稱號今讀珂雪詞予雖十年學不能並驅
也昔人稱衙官屈宋實菴衙官我有餘矣

王元美論詞云寧爲大雅罪人予以爲不然文人之才
何所不寓大抵比物流連寄託居多國風離騷同扶名
教卽宋玉賦美人亦猶主文譎諫之義良以端言之不
得故長言咏歎隨所指以託興焉必欲如柳屯田之蘭
心蕙性枕前言下等語不幾風雅掃地乎實菴詞無一
語無寄託者予之所以服膺也

雲間諸公論詩宗初盛唐論詞宗北宋此其能合而不

能離也夫離而得合乃爲大家若優孟衣冠天壤間只
生古人已足何用有我實菴與予意合其詞寧爲創不
爲述寧失之粗豪不甘爲描寫妍媸好醜世必有能辨
之者

康熙歲次丙辰夏五江上年弟禾具草



題辭

賀新涼

陽羨陳維崧 其年

滿酌涼州醞愛佳詞一編珂雪雄淡蒼穩萬馬齊喑蒲
牢吼百斛蛟螭困蠢算蝶拍鶯簧休混多少詞場談文
藻向豪蘇膩柳尋藍本吾大笑比蛙黽 蕪殘樺燭剛
餘寸歎從來虞卿坎坷韓非孤憤耳熱杯闌無限感目
送塞鴻飛盡况眼底羣公袞袞作達放顛無不可勸臨
淄且傳當筵粉城柝沸夜烏緊

前調

次韻答贈曹舍人京師見寄之作

舊山鄧漢儀 孝威

名士盈東國更曹家賦詩橫槩英豪無敵珥筆縱隨丞

相後聲價由來赫奕看落筆群公動色日轉宮槐催貫
酒笑停鞭大道青樓側如此事何人得 昔年也作燕
臺客到于今攀龍屠狗人都間隔莫水西風黃葉下落
得啾啾唧唧喜雄篇蒼鷹怒擊寄到邗溝明月下快高
吟紅蠟銷三尺空遠望西山碧

霓裳中序第一

桃鄉農李符

畊客

紅絲小硯北不斷間情渾似織東魯詞人第一勝飄泊
周郎蕢洲漁笛犀幃夜寂寫錦箋都洗香澤銀釭下喚
來翠袖記曲譜瑤瑟 疇昔酒瓢吟屐記踏遍銅駝巷
陌旗亭會畫素壁破帽重尋斷闕空憶紫薇花下客更
引起年時賦筆增惆悵尊前舊侶鏡裏鬢絲白

天香

由拳沈季友 客子

銀沫香邊翠鬢聲裏思君風調會折燕市重來鞭絲問
處便有桃鄉人說紫苔雙破怪小徑冷於吹雪拚擋書
籤茗椀料應此意清絕 東華幾堆官熱算爭如滿毫
花屑笑指池頭鳳影風流誰奪我本飄零殘客儘狂舞
秋山一九月願作團光照人時節

水調歌頭

舟中作

心齋張

潮

山來

買棹故鄉去冰雪喜隨身中流鼓枻敲坐對此陟釐紋
不用紅牙鐵板且趁曉風殘月銅斗擊來頻讀罷兩三

闕齒頰欲生芬 彼秦黃與蘇陸亦何神雄淡蒼穩一

嘆陳檢討其年評欣賞共奇文試看高裏弔古以及閒

情咏物浣筆絕纖塵願得有心侶枕秘散氤氳

畫屏秋色

錢塘吳陳琰 寶崖

會借菑州住對二老念東豹崑哦盡陳思妍句翩若驚

鴻飄如迴雪洛神親賦簾閣坐焚香又報道津亭催鼓

指皂蓋天都路想車過黃山芙蓉疊疊多少酒痕墨瀝

香雲遮護 懷古溪村林塢記任昉風流遺處爭如司

馬官閒衙散頻修簫譜眉子硯將穿朝朝傳寫紅牙度

轉笑青衫徒苦我正倦遊歸回首齊烟九點夢斷那時

人語時余方辭濟南
太守修志之詩

詠物詞評

王阮亭先生曰拾遺洞冥杜陽襍編諸書所記類無事
實實菴先生咏物皆取其間見所及耳而神光離合望
之如蜃氣結成樓閣每讀一過覺江風海雨撼撼生齒
牙間也

朱錫鬯先生曰詞至南宋始工斯言出未有不怪者
惟實菴舍人意與予合今就咏物諸詞觀之心慕手追
乃在中仙叔夏公謹諸子兼出入天游仁近之間北宋
自方回美成外慢詞有此幽細綿麗否若讀者仍謂不
如北宋則舍人亟藏之俟後世子雲論定可矣

宋牧仲先生曰今人論詞動稱辛柳不知稼軒詞以佛
狸祠下一片神鷄社鼓爲最過此則頽然放矣耆卿詞
以關河冷落殘照當樓與楊柳岸曉風殘月爲佳非是
則淫以褻矣迨白石翁崛起南宋玉田草窗諸公互相
倡和戛戛乎陳言之務去所謂如野雲孤飛去留無迹
者此竹垞論詞必以南宋爲宗也今讀實菴咏物十首
彷彿樂府補題諸作而一種省渺之思瑰麗之辭與夫
沉鬱頓挫之氣直駕諸公而上之擬諸白石暗香疎影
之篇何多讓焉義山曰願書萬本誦萬遍口角流沫右
手眠余於此詞亦云

懷古詞評

高念東先生曰吾讀諸詞想見實菴擗管時必連浮大
白蹋足起舞高唱梁伯龍問天涯何事恰纔歸曲數過
然後用葉法善攝魂碑法令荆卿舞劍漸離擊筑紅線
捧硯隱娘濡筆阮步兵太息之聲庾子山涕洟之賦一
時並集乃克有此耳轉而思之存亾崇替此是人間常
事斷不可免者其不實則乾闥婆城不久則邯鄲道枕
耳諸公泉下回首或能莞爾發愿一出頭來必了因緣
大事另作生活方是英靈男子如尚悲思不已生旣殫
瘳死復沉滯再來依然故吾耳萬劫黑海尚有分在可

憂也僕學空門而亦爲之怦怦心動方知俗心難盡習
氣難空如此大須懺悔被除庶幾不復墮情想濁劫乎
王阮亭先生曰填詞小道也然魯直謂晏叔原樂府爲
高唐洛神之流張文潛謂賀方回幽潔如屈宋悲壯如
蘇李夫屈宋三百之苗裔蘇李五言之鼻祖而謂晏賀
之詞似之世亦無疑二公之論爲過情者然則填詞非
小道可知也實菴舍人久以詩鳴海內近爲樂府輒至
數百首分其一藝足自名家今所刻懷古四闋咏史五
闋特其凌雲臺之一椽一桷耳然已可推倒一世開拓
萬古吾故不敢自儼魯直文潛而竊欲躋實菴於宋玉
陳思屬國都尉之間世不乏賞音其或以吾爲貢諛者
吾亦任之

張杞園曰昔人論詞以七郎清照爲當家以其纏綿旖
旎動人情思耳余謂不如東坡稼軒慷慨雄放爲不失
丈夫本色今觀實菴數闋意興淋漓胸懷浩蕩至其上
下千古則一往情淡低徊欲絕寘之蘇辛集中寧易差
別邪實菴詩才奔逸橫絕一世詞卽不足以盡實菴而
茲刻又不足以盡實菴之詞讀者亦窺其一斑兩斑可
矣

張山來曰珂雪詞縱橫變化不可方物非辛非柳非蘇

非黃非周非秦而辛柳蘇黃周秦之美畢備由其才具
闕博學殖淵邃舉生平所誦習子史百家古文奇書含
咀醞釀而出之淺陋之士烏能窺其堂奧測其涯涘哉

珂雪詞目錄上

蒼梧謠 二調

烏夜啼

浣溪沙 五調

減字木蘭花 十調

山花子 二調

玉連環

留春令

望江南 二調

賣花聲 六調

鷓鴣天

木蘭花 二調

虞美人

南鄉子 七調

夜行船

醉落魄

虞美人 第二體

蝶戀花 二十調

漁家傲 二調

蘇幕遮

添字漁家傲 三調

青玉案

江城子 二調

風入松

越溪春

御街行

祝英臺近 二調

一叢花

柳初新

瓜茉莉

簇水

喝馬一枝花

惜紅衣

滿江紅 六調

惜秋華

掃花遊

露華

滿庭芳 三調

水調歌頭 六調

天香 二調

玉簫涼

暗香

留客住

水晶簾

尾犯

燕山亭

孤鸞

雙雙燕 二調

金菊對芙蓉

月華清

催雪 二調

月下笛

玲瓏四犯

鎖廳寒 三調

百字令 十一調

珂雪詞目錄 下

解語花 三調

渡江雲 二調

珍珠簾 二調

木蘭花慢 三調

桂枝香

齊天樂 二調

水龍吟 四調

憶舊遊

瑞鶴仙

宴清都

花犯

臺城路 三調

柳色黃

拜星月慢

霓裳中序第一 二調

綺羅香 二調

瀟湘逢故人慢

永遇樂 二調

消息

秋霽

南浦 二調

花發沁園春 二調

尉遲杯

望遠行

解連環

一寸金

風流子 五調

疎影 三調

八寶粧

霜葉飛

蘇武慢

惜餘春慢

沁園春 十一調

八歸

賀新涼 十七調

摸魚子 八調

金明池

笛家 二調

畫屏秋色 二調

蘭陵王

大酺

玉女搖仙珮 二調

多麗

小諾臯

哨遍

鶯啼序

補遺

卜算子

浪淘沙 二調

木蘭花

春草碧

滿江紅

百字令

木蘭花慢

臺城路

珂雪詞

蒼梧謠

團扇舊猶堪贈所歡。秋風起。戀戀故人難。
寒澗水粼粼白石間。終難去。滄海作波瀾。

王阮亭日短闕最古有漢魏樂府遺音
彭羨門日奇託遙深
沈鳳于日彷彿香片玉體風致自佳

烏夜啼 詠水葱用葱字韻

琅玕出水玲瓏。鬱葱葱。好伴尊絲菱葉雨聲中。竹影



織苔痕濕顫西風。比似箇人眉黛可相同。

浣溪紗 步阮亭紅橋韻

幾曲清溪泛畫橈。綠楊深處見紅橋。酒帘歌扇暗香銷。白雨跳波荷冉冉。青山擁髻水迢迢。三生如夢廣陵。

潮

陳其年日諷咏結句令我柔情一往如水
羨門曰三生如夢廣陵潮此十年一覺揚州夢相去多少

水過雷塘鳴咽流。繁華人逝幾經秋。二分明月自揚州。玉樹歌來猶有恨。錦帆牽去已無愁。平山堂下是迷樓。

樓

羨門日意在言外不待人言愁始欲愁也

又 題畫

蟹舍魚莊此地偏。陰陰灌木水平田。江湖無恙白鷗天。菱葉蘆花迷遠渡。斜風細雨擁歸船。漁翁何處枕蓑眠。

羨門日江湖無恙白鷗天是錢劉佳境然畢竟入詩不得解人自知之
鳳于日分付沙鷗儘堪無恙

又 偶成

飛鳳將雛紫玉釵。雙鸞小樣合歡鞋。卓金車子響銅街。濯錦江頭朝復暮。踏青陌上去還來。紅樓斜日費安。

排

鳳于日隨手閒抄

又

宛轉紅絲結鼓忙。避人學繡睡鴛鴦。朱朱粉粉自成雙。
雪作猶兒織手法。香拖髻子緬蟲光。夜深待月下迴廊。

減字木蘭花

雜憶

掀髯抵几。孤憤精神兼數子。磨竭星辰。多難如君更幾人。
文章休論一擲副車千古恨。五十年光只與劉蕢共斷腸。

其年日直教桂子落墳上。生得一枝恨始消。與此詞同一悲愴。

戊申六月。萬里驚心鰲背折。一夜罡風。只有才人瓦礫中。
神仙詭異。露滿金莖曾乞未。傲骨凌嶒。化作中林鬼火青。

曹峩巒日韋相國四月十七同一起法

偶然遊戲人道東方真玩世。君曰非狂。歷落欽崎也未妨。
當年花底斗酒雙柑。吾共爾。黃葉東村。車過難為腹痛人。

阮亭日具此才筆便不至作蘇辛僿隸

相逢濟上。桂子三秋花始放。天碧槐黃。輸却南豐一瓣

香。禪房秋暮。揮手登車從此去。歲月侵尋。鈴鐸蕭蕭。感我心。

竹林未遠。泉下定知憐小阮。今我來思。風雪時時夢見之。傷心伯道。住世何如歸去好。仙路匆匆。一七丹砂。誤乃公。

李武曾曰喃喃如話

當年繡虎。才子人稱何水部。臥病滄江。三載茸城信杳茫。惟君知我。落落名場無一可。今竟何如。悔不同驅下澤車。

羨門曰彌淡彌真
阮亭曰與第三首並是絕妙

三年伏枕。落拓無何惟日飲。柳七填詞。減字偷聲或有之。王孫驢背。古錦奚囊拋得未。不用傷神。大有長安失路人。

黃茅瘴雨。萬里歸來悲自語。夢裏依稀。石髮蘿烟晝掩扉。磨厓草檄。幕府應徐斑管筆。離緒茫茫。何獨鮪生感對床。

武曾曰石髮蘿烟先生殆指予昔年句也往事綿綿不覺慨然於此
羨門曰八詞促節繁情讀之令人神損
其年曰八詞厯亂摧藏迷離斷續擬之古人殆章華九招同谷七歌也

又 天津道中

青衫羸馬野渡官橋誰問者。黃葉莊村掛壁燈昏自掩門。連宵急雨雁陣橫斜天際去。丁字沽邊蟹斲魚膾望渺然。

白雲紅樹一路秋蟲相共語。幾縷朝霞遙指東溟是我家。長河百折浪捲蘆花堆似雪。舟子灘邊擊汰揚舠橫索錢。

山花子 歲暮

歲暮真同赴壑蛇。一天風色話棲鴉。又是黃昏新月影。上梅花。屋角漸高星幾點。人聲欲靜鼓三槌。誰道壯心渾似鐵。不思家。

阮亭曰澹處亦是宋人其年曰直得妙

又題石林小照

鬢影花光撩亂俱紛紛。蝶翅接峰鬚共鬪南唐金葉子。阿誰輸。寶抹紅絨香齒苔。冰綃白映玉芙蓉。陶令閒情何所寄。美人圖。

武曾曰江淹片錦尚堪分贈丘遲

又爲人題簾上畫松

五鬣蒼然入畫圖。一灣流水帶平蕪。昨夜驚濤吹欲落。響金鋪。曾在天台山下見。霜皮黛色記來無。彷彿溪南橋畔路。第三株。

玉連環 水仙

盈盈似隔紅塵路。陳王休賦。黃昏不是乍聞香。月底更無尋處。靜掩繡簾朱戶。更聽微雨。青溪溪畔女郎祠。髣髴見魂來去。

留春令 感舊

簸錢堂上。避人羞傍。櫻桃花樹半篙春水。送蒲颿便沒箇相逢處。今古傷心常如許。紫玉成烟苦。不是垂楊慣飛綿。被幾陣東風誤。

望江南 代泉下人語

黃壚杳寂。寂恨難窮。荒草路迷寒食雨。白楊聲亂紙錢。

風掩泪拜殘鐘。繁華歇。金屋夢魂中。陌上人歸翁仲語。林邊火入寶衣空。土氣蝕青銅。

嗚咽水腸斷為誰流。燐火不隨山雨暗。蛩聲常伴故人愁。白骨怯清秋。千年事零落委荒丘。青塚魂歸環珮冷。珠襦香散土花留。無語泣長楸。

其年日瀏瀏竹間雨熒熒窓下燈相逢不相顧含淚過巴陵此昔人所作鬼仙詩也此詞幽悄寂歷髣髴同之

賣花聲 簾下美人影

對面尚參差。難慰相思。東風無力畫簾垂。薄霧冥冥春未曉。掩映花枝。蟬影亂翠。思似隔天涯。金鈎雙控是

何時獨立窺人人不見。捲上些兒。

羨門曰小開罵春風是憎其開東風無力畫簾垂是憎其不開

阮亭曰寫得歷亂恹恹令人魂銷

其年曰細膩風光我獨知

武曾曰不惜卷簾通一顧怕君着眼未分明與此結句誰實誰主

又 秋夜

風緊紙窓鳴。秋氣淒清。淡雲籠月未分明。雨點疎如殘夜漏。滴到三更。無計破愁城。夢斷魂驚。一天黃葉雁縱橫。不待成霜霜滿髮。短髮星星。

阮亭曰前段雨點句妙後段黃葉句妙

又 丁巳清明

烟草似愁生。綠滿長汀。隔牆一一賣花聲。十日雨絲天作劇。渲染清明。林外乍啼鶯。樓外峰青。東風拂面酒微醒。敲帽垂鞭何處去。淄淄寒輕。

其年曰輕籠慢撚不使一呆筆古人解此者惟張三影耳

鳳于曰乍雨乍晴春易老點染絕佳

又 不寐口占

雨氣沒高林。庭院深深。流螢如豆草如針。又是嫩涼時候也。只欠疎砧。舊夢杳難尋。雲水沉沉。海南花發土墻陰。斜月窺人人未起。冷浸孤衾。

鳳于曰李後主得意語

又 詠鼓子花

虛負此花名。聽去無聲。斷雲殘雨過荒汀。撼撼悽悽聞響答也。欠分明。宜傍戰場生。画角連營。青山不動氣縱橫。廣樂鈞天誰間作。溪畔蘆笙。懶去報晨衙。淨洗鉛華。虛名那受錦堂過。誰把山香翻一闕。落盡庭花。霜重冷蒹葭。蕭瑟堪嗟。却疑三弄走寒沙。老矣岑牟無感慨。不用喧嘩。

鷓鴣天

腰站和壁間女子韻

門裏桃花想去年。幾回惆悵晚風前。餘情難續雲藍袖。舊恨仍留唾碧衫。雙淚落。一燈懸。魂銷只有夢相關。

生平怕近楸紋局。纔到中心不忍彈。

木蘭花

鞠觀玉哀詞

依然笳吹春明路。丹旄飄搖何處去。故人強半白衣冠。淚濕幽州城下土。悲歡旦暮渾無據。昨日驪歌今薤露。老親垂白望歸來。精爽冥冥隔烟霧。

武曾日如聽隴頭嗚咽水

又 春晚

靡蕪一剪城南路。弱絮隨風亂如雨。垂鞭常到日斜時。送客每逢腸斷處。悄悄門巷春將暮。樹底萋紅愁不語。畫梁燕子睡方濃。落盡香泥却飛去。

虞美人

有感

三春誤向風塵走。空負長條柳。落花流水思悠悠。便是玉簫金管也生愁。傷心慣作人間別。夢裏添嗚咽。伯勞飛燕去匆匆。消受一窓殘月五更鐘。

羨門曰如此消受亦極不惡武會曰妍在滄中

南鄉子

夏夕無寐茫茫交集輒韻語寫之不求文也

兀坐寂無歡。檢點平生一笑難。四十年來渾是夢。邯鄲得得青驢尚未還。往事總闌珊。不待新愁鬢已斑。試問從前誰誤我。儒冠。燕壘蠶絲卒歲艱。

羨門曰此調第四句止用兩字頗難安放邯鄲儒冠兩成妙押

少小憶趨庭。總角齊肩好弟兄。嘗得熊丸心自苦。同聽夜雨連床十載聲。有約待躬耕。白髮慈親望眼青。誰料而今成幻影。飄零瘴雨蠻烟一帶青。

鳳干日汾水雁飛合情正在不盡

文酒憶同遊。雅會西園事事幽。惆悵落花飛絮急悠悠。筍裂山陽曲未休。知己痛西州。文采風流土一丘。他日隴頭看宿草。颼颼石馬無聲起暮愁。德耀憶同棲。兩小無猜稚齒齊。冷雨篝燈頻下淚。牛衣十載行踪愧老妻。草草送將歸白馬。青絲事已非。膝下癡兒應念我。誰知片片浮雲各自飛。

江上憶鳴榔。杜宇聲中過夏長。回首敬亭濃翠裏。蒼茫。白苧何人勸一觴。西子好湖光。十里荷花繞畫塘。記得吳山觀落日。悲涼。嗚咽寒潮勢未降。

阮亭日先兄往有減字木蘭花七首同此情事旅夜孤檠讀此令我腸斷矣其年日字字鳴咽

又 砧聲

霜信到邊城。入夢龍沙萬里程。秦女捲衣何限恨。淒清。歷歷君聽空外聲。風急亂殘更。乍密還疎似有情。想見紅閨纖手怯。亭亭。靜倚朱欄待月明。

其年日骨肉停勻

又 咏燕

雙燕坐雕梁。軟語呢喃晝自長。掠水蹴花飛不定。過墻。亂剪春蕪故故忙。新月淡昏黃。柳絮池塘夜未央。落盡香泥人不見。迴翔。錯認誰家白玉堂。

羨門日梅溪以長調擅場此復以片言居勝阮亭日掠水蹴花三句為燕燕傳神亂剪春蕪得未曾有

其年日字字搖曳與那卿作異曲同工

夜行船 本意

十幅蒲帆風力勁。有魚床夜燈相映。兩岸衰蘆。一條寒碧。波影月痕難定。柔櫓無聲人語靜。怕沙鷗暫時驚醒。篷背新霜。山邊曉市。楓葉亂遮笭箆。

醉落魄 詠鷹

凍雲慘淡鬱輪困。天邊心膽。鞞絲欲掣金眸閃。雨血風毛一灑平原暗。層霄呼下。纔如點。割鮮小飲霜花蘸。藍田歸騎垂弓劍。野濶天低。狐兔山中滅。其年日押險韻。如使硬弩。無不射麋鹿龜。

虞美人 雨過 第二體

錢塘戰後風雷弱。貴主還宮樂。靈旗捲罷楚天高。湘妃鼓瑟和雲璈。擁鮫綃。長空一抹曾青色。全學柴窰碧。諸峰螺翠晚來橫。烟鬟霧鬢劇多情。可憐生。其年日遣染欲滴。

蝶戀花 荔裳席上作用阮亭韻

吹面東風能散纈。雨弄柔絲。過了清明節。脆滑鶯兒聲不歇。池塘淡淡霏香雪。好倩吳儂翻一闋。宮錦毳毼。顧影神清絕。銀燭光消銀箭徹。一鈞斜挂城邊月。

美門日意言新警
張山來曰生香真色人難學

又看演祭皋陶劇仍用前韻

水面綾紋堆亂纈。一曲清商。寫出清流節。枉矢離離光未歇。若盧閉處飛霜雪。呵壁左徒聲乍闋。南北甘陵。鴻影冥冥絕。尺霧消來天問徹。一鞭好弄山間月。

又送荔裳入蜀再用前韻

濯錦江頭濤作縵。萬里蠶叢。重建相如節。渝唱巴童渾未歇。一簾曉映峨眉雪。紅溼海棠歌正闕。帽影鞭絲。點染三川絕。散髮瞿塘清欲徹。半輪流送平羌月。

其年日峽月巴船清輝如見

武曾日讀此但覺山川斌媚何須作蜀道難耶始信

青蓮故是此體

山來日非是山川斌媚乃是先生筆墨斌媚耳

又送沈郎再用前韻

滿路丹樞明似纈。蜀道羊腸。細馬隨旌節。花重錦官香未歇。倚欄閒看峨眉雪。記得梁園歌一闕。貼地腰身。四座顛狂絕。嫩綠池塘清影徹。依稀照見人如月。

美門日何其清綺

新書樵日花重二語耐看嫩綠一語耐思

又題龔半千畫

石骨嶙峋驚拔地。千尺藤蘿。盤壁蛟龍勢。茅屋半間風打碎。箇中應有幽人睡。門外片塵飛不起。嫩綠新蒲。杳靄江湖意。倘許移家來畫裏。一廛請隸無懷氏。

美門日瀟灑出塵

阮亭日字字飛動紙上

其年日茅屋二語詩中孟六

山來日我亦欲移家畫裡

又題王必草畫蝶

筆帶煙霞人晉魏。搦得滕王。海眼圖中意。惆悵東風吹不起。翩翩只在生綃裏。夜雨攪林花瓣碎。覓葦為糧。還抱花鬚睡。春色滿園拖粉翅。不知夢見莊周末。

美門日寫生妙手
阮亭日跌宕風流才子之筆
其年日輕盈婉約盡態極妍
書焦日夜雨三句較唐人樹頭蜂抱花鬚落更為細膩

又夏夜酒醒口占

解識濁醪多妙理。八尺琉璃引入甜鄉裏。酒重燈昏慵不起。夢回已是三千里。殘月幾橈斜界紙。天色空青。銀漢光垂地。苔澁流螢飛且止。穿簾好趁荷風細。

鳳于日夢中記里煞是無聊

又修來席上咏秋海棠

涼月娟娟流影細。道是秋花却帶春花字。何限嫣紅思婦淚。玉壺亂滴珍珠碎。籬畔幾枝纔放蕊。任是春花

不比秋花嬌。簪向箇人髮髻髻。晚霞一點明於洗。

美門日裴回宛轉自成文章

武會日有色無香此花恨事讀簪向箇人二語饒有香在

山來日子曾和先生此詞真有珠玉在前之媿

又讀六一集十二月鼓子詞嫌其過於富麗吾輩為之正不妨作酸館語耳聞中試筆即以故鄉風物譜之

正月春盤初獻歲。帽影鞭絲羅拜人如市。爆竹一聲煙霧起。幾枝紅燭消燈事。記得少年扶半醉。襪襪衝塵。

評話開明寺。三十年來風景異。似看洛下伽藍記。

二月花明鄰上巳。桺學鵝兒桃學紅粧媚。布穀勸耕聲未已。腥風海上來魚市。經濟山林渾不易。種杏條桑。

多少閒心事。金馬鳳池春夢耳。竹籬茅舍原如此。
 三月桐華鶯哺子。百轉聲中一串驪珠碎。過了清明無
 意思。鞦韆還挂垂楊裏。墻下櫻桃纔謝盡。顆顆珊瑚
 已浸饒牙齒。萬紫千紅同逝水。幾翻風雨春歸矣。
 四月東臯樓下水。入網河魚竟尺鮮無比。煮酒遙沾青
 杏意。牡丹大似姚家第。一夜籥聲來屋底。滿眼新篁
 帶粉拖香氣。絡罷繅車蠶下子。一年村女渾無事。
 五月黃雲全覆地。打麥場中咿軋聲齊起。野老謳歌天
 籟耳。那能畧辨宮商字。屋角槐陰耽美睡。夢到華胥
 蝴蝶翩翩矣。客至夕陽留薄醉。冷淘飴餈窮家計。

六月溪堂風細細。課雨占晴畧帶農夫意。雲脚倒垂龍
 掉尾。汶河已上黏天水。素柰抹紅三道未。帶露繁枝
 老子生歡喜。瓜是綠沉朱是李。敲冰不羨長安市。

陶亭日亦復工絕非但豪邁

山來日農圃風味時物變遷天然生趣點染無窮

七月西疇禾稻美。翠色沾衣香比春花細。乞巧聊供兒
 女戲。衰翁厭說填橋事。細雨連宵偏入耳。颯颯秋聲
 苔影生涼意。回首江南鱸作市。扁舟愛殺天隨子。
 八月長空飛鴈字。芋栗全登消受田家味。晒棗堂前紅
 滿地。何須苦憶南天荔。蟾兔秋毫輝萬里。玉宇瓊樓
 人抱清光睡。蕉葉翻翻斜界紙。草蟲慣作嚶嚶技。

九月涼風蘋末起。落帽登高。一殼雙螯美。楓老當門圍
薜荔。年豐豈懼催租吏。白酒黃雞滋味異。老瓦盆中
牧豎堪同醉。風雨攪林渾不寐。挑燈起作秋聲記。

阮亭曰：不怕租吏亦大奇事。恐是姑妄言之耳。
山來曰：讀風雨一句不須更讀秋聲記矣。

十月寒雲陰匝地。草淺霜濃。獵騎蕭蕭意。老去垂楊生
左臂。鼻端出火翻成愧。楮棗爐紅堪自慰。絕勝年年

風雪金門轡。日出黃綿還炙背。杞人不下憂天淚。

十一月狂飈驚晚歲。一線陽回家慶逢。南至覓果堂前
成往事。兒孫滿眼當年似。一夜仙人紛玉戲。三尺瑤
華粧點天容醉。鹽撒空中差可擬。未如柳絮因風起。

阮亭曰：末十四字全用成語奇妙。

孫仲愚曰：用古之妙直參化工。

其年日稼軒用晉帖語入詞猶未若珂雪之入化也。

十二月簷冰如列齒。檢點流光。又逐修鱗逝。屈指明朝
二十四。一年好事應無幾。鬱壘桃符忒底事。綵勝銀
旛分付兒童記。夜火松枝還燼歲。五更不策朝天騎。

阮亭曰：十二首瀏漓頓挫。公孫大娘舞渾脫手段。乃
於行墨遇之。

修來曰：幽雅遺音。

屬手曰：以田家行樂點染歲華。覺本地風光絕勝。

漁家傲 秋感

燕市秋來風色改。山圍碧玉清涼界。屈指津門多紫蟹。
街頭賣天生。左手持螯在。不信濁醪澆磊塊。醉鄉更

比人間隘。月落屋梁。憎老態。渾無賴。蟲聲四壁。愁如海。

又 讀漢史

縹緲雲中赤兔子。求仙遠隔蓬萊水。巨棗安期會餉未。真奇事。馬肝一片文成死。天下神仙皆妄耳。茂陵石馬秋風裏。金椀玉魚紛出市。渾無味。如鉛早下銅人淚。

阮亭曰實菴此等詞今作者中惟其年能之其年日如王先生言僕何敢當正如昔人所言春水將生孤當速去耳武會日是史公封禪書本旨鳳于日絕似通天臺表颯颯逼人

蘇幕遮 冬閨

塞雲橫。關月遠。簾外霜濃。寒重呵金剪。手擗綠橙香霧。濺繡被。兜羅只許。獨兒伴。參旗斜銀漢淺。好夢依稀。

又被風吹斷。離思乍隨清漏滿。倦眼窺牕。蟬影垂垂亂。

美門曰紗於吹夢無蹤阮亭曰珂雪詞骯髒多而斌媚少此等絕有周柳風味

添字漁家傲 六月

六月南牕無暑氣。幾點流螢偏照青苔地。搖曳慣來絲雨細。翩然起。隨風又到簾櫳裏。紈扇撲來紛欲避。似滅還明。驚入蓮花蕊。露冷昔耶鴛瓦膩。依稀是摩訶池畔涼如此。

上
阮亭曰昔最喜羨門秋牕無火暗螢相照之句以爲
文外獨絕實菴正復不減
其年日未語推開一筆正所謂離鈎三寸法也

又 初秋鄉思

急雨攜將秋色至。門掩西風。早是愁滋味。漠漠溼雲千
樹裏。偏垂地。晚山一點煙螺髻。茉莉宵涼。還放蕊穿
瓦。螢飛隱壁。蟲聲細。歸夢亂如春絮起。書空寄迢迢銀
漢人千里。

阮亭曰已近秦李此是當行本色

又 賦得手提金縷鞋

一樹木蘭花影大。露溼銅鋪。不閉葳蕤鎖。半夜出來驚

欲躲君王過。澄心堂側藏燈火。響屨迴廊知未可。似
水香階那受青苔澆。半晌偎人魂乍妥。嬌無那。匆匆難
唱家山破。

其年日勝讀梅村先生秣陵春樂府

青玉案 鴈字

數行界破青天色。似一幅荆關筆。楓葉蘆花秋瑟瑟。問
君何事。書空難盡。影落瀟湘碧。人間多少傷心客。欲
寄離愁那能得。折勢分明成乙乙。無端風雨。橫斜催亂
幾陣煙雲黑。

其年日筆陣駁駁

山來日咏雁字詩極夥無如此詞不卽不離之妙

江城子 冬日偶興

千門霽色日曛曛。暖融融。似春濃。只少桃花扇底一襟風。忽憶平原淺草地。追狡兔。控雕弓。呼鷹直上最高峰。氣如虹。馬如龍。遙望一天毛血灑晴空。罷獵歸來何處去。殘雪路。灞陵東。

美門日腦後風鼻端火當是爾時語
屬于日坡老擊蒼牽黃與致畧同

又 戲作

貧家今日聚多錢。是荷錢。是苔錢。怪底三春常費買花錢。亂撒東風渾欲盡。畱不住。似榆錢。紛紛人世競青錢。拔釘錢。捋鬚錢。絕勝嗷嗷九府一文錢。昨夜鄰家喧

社鼓頻吹落紙錢。

武會日與作阿堵那得不算解人
出來日此詞亦萬選萬中
風入松 七夕戲作

明河低轉恰西東。良夜方中。鵲橋欲駕鸞輪起。盼雙星。輾轉愁儂。只恐金支翠節。難勝鬢霧鬟風。樓頭乞巧定誰工。女伴匆匆。露華如水天如洗。最淒涼。銀井高桐。月照紗幮無那。黃姑夢裏相逢。

美門日政如君家繡虎亦復有獨處瓠瓜之感
山來日謙父翻案其詞達先生游戲其情深

越溪春 郭外用宋人韵

草軟沙平何處路。郭外即天涯。板橋流水傷心地。帶夕

陽點點明霞。歌哭聲中。紙錢灰裏。知是誰家。參差油
壁香車。燕尾隔牕紗。歸來三盞兩盞淡酒。黃昏鴉亂風
斜。只有短檠如舊。依依爲照寒花。

美門日詩情畫意

御街行 和阮亭贈鴈

寒蕪極目連三楚。鴈陣驚相語。一聲長笛出高樓。渺渺
斷雲天暮。江淡月黑。霜寒人靜。獨自啣蘆去。遙峰恰
是衡陽數。寂寞瀟湘雨。無端孤客最先聞。嘹唳亂帆南
浦。隻影橫空。相逢何處。紅蓼洲邊路。

美門日江淡月黑霜寒人靜八字中如聞嘹唳
阮亭日君從何處看得此無人態

祝英臺近 賦得更脫紅裝裏鴨兒

浦風回。村路遠。畫檝弄還倦。閒唼浮萍。乳鴨兩三點。任
他次第呼名。竹弓休射。怕驚起睡鴛波面。繡袞茜忽
地蘸水空明。花影碎。凌亂猶帶殘霞。混入也難辨。笑攜
女伴歸來。滿身荷露。渾疑是巫山行徧。

其年日宣築處如北宋人畫

又 木稼

玉瓏鬆。冰纖軟。撲面柳花亂。滿目琳瑯。疑向畫中看。非
關青女初來。天風微送。任月地雲階都遍。莫吹散掩
映三尺瑤華。弄影倍輕倩。片片空濛。銀海也生眩。誰搏

圓壁方珪。零珠斷粉。是碧落天孫偷剪。

一叢花 並蒂蓮

碧幢翠蓋舞風輕。照水兩亭亭。金塘好暖鴛鴦睡。孤飛下宿鷺。還驚漢殿雙棲。江東並嫁。一樣曉妝明。更疑人。傷楚皋行。解珮悄無聲。紅衣對拂光。凌亂平分取。玉露金莖。臂是同彎。心憐共苦。絲引暗愁生。

柳初新 寄懷高舜木

當年快作春燈聚。曾踏徧磚街。雨。帝子高臺。將軍法曲。彈指舊遊如霧。見說烏衣儔侶。未消磨。平生豪舉。脆管哀絲。頻度。人新聲香奩詞賦。午橋魚鳥。平泉樹石。都

是泥人情處。待跨箇青驢歸去。與君上雲門山路。

瓜茉莉 本意和蛟門用宗梅岑韻

玉蕊離離。只飛瓊可比。添多少。晚牕清氣。風前小立。微嗅處。詭人嬌意。黃昏後。雨過新涼。金蟲簪兒串起。新粧髮。鬢紗幘。旁。鴟鬟底。窺斜月。花光流墜。餘香幽約。收來枕畔。合子待明朝。淡抹遠山相對。碧天澄澄似水。

美門曰詠物詩詞貴在取意不取象寫神不寫形如此結語妙在形象之表

其年日後段四十二字無一字說茉莉却無一字不

簇水 玉蝶梅

雪。舟。堆。成。并。刀。剪。破。滕。王。譜。幾。雙。粉。翅。化。玉。蕊。瓏。鬆。千。
樹。行。遍。瑤。臺。十二。還。向。孤。峰。住。怕。雪。擁。斷。橋。來。路。吟
思。苦。便。一。夜。牕。前。忽。到。在。屋。角。昏。黃。處。濃。香。作。陣。更。莫
引。蜂。兒。舞。悵。悵。曉。風。吹。亂。好。夢。參。差。去。闌。干。曲。倩。淡。煙
低。護。

喝馬一枝花

送沈茶星之來賓任

絕。遠。賓。江。路。亂。水。輕。舟。頻。渡。瀟。湘。行。欲。盡。瘴。雲。苦。千。樹。
枕。榔。月。黑。鷓。啼。處。到。日。清。秋。好。蟹。戶。鮫。人。滿。城。看。笑。舞。
柳。子。傾。甘。露。照。眼。紅。蕉。初。吐。推。棹。小。柱。笏。訟。庭。暮。龍。
目。香。中。早。暗。送。年。華。去。吟。情。應。不。減。問。寫。就。蠻。牋。重。寄。

昭王臺否

惜紅衣

詠荷花紫草

影。借。攆。稔。根。連。阡。陌。都。無。人。惜。翠。蓋。紅。衣。佳。名。倩。誰。錫。
盈。盈。帶。露。剗。襪。過。茜。裙。畱。蹟。春。碧。行。盡。斷。蕪。怕。王。孫。岑。
寂。斜。陽。弄。赤。山。抹。煙。光。丁。香。也。無。色。幾。番。風。信。會。否。
記。開。日。莫。是。雲。英。潛。化。滿。地。亂。瓊。狼。籍。惹。牧。童。驚。問。蜀。
錦。甚。時。鋪。得。

滿江紅

德水道中

滿。目。淒。其。又。早。是。亭。皋。葉。下。憶。當。日。披。裘。過。此。六。花。飛。
灑。秋。水。一。灣。波。寫。鴈。青。煙。幾。點。星。分。野。問。長。驅。下。澤。爾。

何人悠悠者。芹林畔寒鴉話。老柳上漁罾挂。更濃煙
衰草。迷離堪畫。客路驚看沙似雪。奚奴慣使車如馬。向
玉河水底聽流澌。歸來也。

美門曰超妙至此要使辛劉頰首

書樵曰空濶高蒼語語堪畫

又題吳遠度竹村情話圖

滿目蒼然似嶰谷琅玕千尺。想落筆公孫舞劍。張顛濡
墨。瀟灑青天鸞鳳下。動搖雷雨蛟龍黑。掩柴門清話爾
何人。情金石。草閣外江流積。小艇上孤蓬窄。喜青罇
可共閑愁如滌。風起牕前聞解籜。月明林下堪容屐。憶
當年幽事。幾人同。山陽笛。

美門口鸞鳳一聯亦自有蔽日干霄之况結語慷慨
悲涼可抵子期感舊
修來日常語都有奇氣
其年曰是竹林中人語
又金臺懷古

落照蒼然空掩映。荒臺數尺。憶當日君臣之際。悲哉昌
國。七十二城如解籜。功成翻削英雄色。讀先生一紙報
燕書。為沾臆。碣石畔風蕭瑟。卽墨下牛騰擲。笑安平
奇計。兒童能識騎劫庸才何足道。可憐戰血凝。淡碧問
千金馬骨倩誰埋。邯鄲陌。

美門曰不須重弔望諸君矣
其年曰憑高弔古自是先生擅場每遇此等題不覺
耳後生風鼻端出火
武會曰杜陵詩史後又添一詞史

又題阮亭寓竹

何物琅玕偏愛傍。子猷書屋。微雨後。月痕低照。亭亭新沐。洛女凌波鳴雜珮。湘人鼓瑟敲寒玉。早風雷。一夜起龍孫。森然綠。何處是秦川曲。休更覓。篔簹谷。只聞庭半畝。差堪醫俗。振籜未隨秋寂寞。窺簾似共人幽獨。待他年玉版好同參。寧爲腹。

美門曰如不經人意處正自邈不可及

山來曰吾鄉玉版頗饒佳味想不負先生此腹矣

又過滹沱

鴈齒紅橋聽橋下。怒濤如箭。作襟帶。長安日近。雪消波暖。納納津門潮水合。茫茫句注奔流遠。變桑田。一派古

今愁難消遣。千尺堰。秋風捲千家哭。秋雲暗。任歌殘瓠子。陽侯驕蹇。夢裏常驚龍氣冷。眼前復見蛟宮淺。倚危欄。塵土上鬚眉。王程緩。

又和錫鬯吳大帝廟下作

遺廟江東舊。日是紫髯天下英。魂在靈風夢雨捲。旗飄瓦。師子雄才原足惜。孝廉斌媚還能霸。笑周郎。帷幄慮偏長。忘中夏。羞銅雀。東風借軍衣。白艤艫。駕彼孫劉之睦。姻盟何假。自惜江山吳子國。於今父老新豐社。聽石頭戰鼓似寒潮。空城打。

美門曰劉賓客如許好詩對此幾成鱗爪戰鼓似寒潮詩家倒裝法也

其年日顧盼橫江英姿颯爽
武會日睥睨悲涼如聞廣武之嘆
鳳于日一結悽其似漁陽慘
阮亭日兩段各有其妙後段尤工矣

惜秋華

牽牛花

河鼓星高繞莓牆幾點野花開了不近夕陽橫斜曉風
吹老依稀過雨長天誰脫下柴窑新稿杯小縱金盤露
濃承來些少耐宵伴紅蓼只淡描淺畫把秋容粧好
偷剪碧霞疑倩七襄人巧佳期約畧填橋望翠輶欲來
波渺更悄溼青苔暗螢相照

掃花遊

春雪用宋人韵

元宵過也看春色靡蕪澹煙平楚溼雲萬縷又輕陰作

暈蜂兒亂舞一夜梅花暗落西牕似雨飄搖去試問逐
風歸到何處燈事纔幾許記流水鈿車畫橋爭路蘭
房列俎嘆薜華易擲鬢絲堆素擁斷關山知有離人獨
苦漫凭貯聽寒城數聲譙鼓

阮亭日一夜梅花四句擁斷關山二句已到高史妙處

鳳于日羣山玉立與爾共高寒
山來日恰好是春雪妙甚

露華

題沈鳳于被園

沈郎學圃傍菴畫溪邊點染千樹十畝綠陰接葉交柯
憐汝籐梢橘刺森然飽幾載江南煙雨垂垂熟來禽過
時偷眼啣去青簑箬笠容與美種杏條桑經濟如許

未老雲卿。東湖暫結幽趣。兒子上樹生狙。早摘下翠盤
無數。秋氣冷。蟲聲斷。蛙靜否。

滿庭芳

聞鴈

細草摧霜。寒風敗葉。樓頭一鴈初鳴。偶來嘹唳。何事恰
關卿。惆悵沙平月落。衡陽路。幾點峰青。還堪憶。江楓漁
火。隻影傷人。明。伶俚。山枕上。夢回酒醒。哀韻偏清。更
階前。蛩語林外。秋聲同。是一般。憔悴。算只少猿。叫三更。
從今去。湘流曲折。莫近小牕橫。

美門曰。不辨何聲。但覺腸斷。

山來曰。句裏行間。如有雁聲。嘹唳。

又

和人潼關

太華垂旒。黃河噴雪。咸秦百二重城。危樓千尺。刁斗靜
無聲。落日紅旗半捲。秋風急。牧馬悲鳴。閒憑弔。興亡滿
眼。衰草漢諸陵。泥丸封未得。漁陽鼙鼓。響入華清。早
平安烽火。不到西京。自古王公設險。終難恃帶礪之形。
何年月。剗平斥埃。如掌看春耕。

美門曰。竟以史家論斷語入詞。橫絕今古。

書樵曰。出經入史。而無烟火氣。所以為雅詞。

又

和錫鬯李晉王墓作

石馬無聲。饑烏作陣。白楊風急蕭蕭。珠襦玉匣。曾此葬
人豪。河朔同盟藩鎮。分帶礪。只汝功高。真樂事。錦囊三
矢。意氣快兒曹。銀刀新霸府。十年征戰。兗鄆之郊。奈

優伶日月粉墨親調。惆悵諸陵寒食。青青草麥飯誰澆。豐碑臥牛羊。礪角壞磴走山樵。

美門曰大為亞兒生色然亦是定論不刊

况亭曰有此見地筆力可以弔古其年日每讀五代史至伶官傳輒為涕下沾裳也今于此詞亦然

水調歌頭 大醉放言

左手把歡伯。右手擘雙螯。淋漓酒濃衫重。一任髮蕭蕭。我自狂歌潦倒。醉看長安市上。若箇插金貂。鄧禹莫相笑。阮籍正逍遙。列蛾眉。調錦瑟。響雲璈。君侯應自貴耳。吾欲等鷓鴣。腐鼠纔堪一飽。仰視鸚鵡。雛曰嚇。意氣二蟲驕。安往非貧賤。三徑問蓬蒿。

美門曰以漆園成語入詞奇絕妙絕

阮亭曰有此胸情可免搥壁

其年曰人言阿龍超阿龍固自超

山來曰豪邁曠達

又 喜厚餘至都率然有贈

落拓老兄弟。踪跡共沉浮。匆匆神虎分袂。江海幾經秋。多少黃金橫帶。我輩青衫羸馬。散蕩足風流。吾試與君語。富貴定難求。魯陂側。錦秋岸。皓湖頭。溪山如畫。煙波兩兩釣魚舟。辛苦斜風細雨。消受紫萸紅蓼。冷淡爾為儔。努力飲醇酒。身世問沙鷗。

武曾曰磊落蒼茫襟期可念

山來曰厚餘先生視工河上不須更歎青衫羸馬矣

又 為龔節孫題種橘圖

玉局昔年客。禿鬢老仙翁。思移林屋嘉樹。飽啖洞庭紅。
儼作亭名楚頌。眷此素榮綠葉。慘淡比青楓。有志那能
遂。遺蹟大江東。仿瞻子。懷古意。畫圖中。雨簑風笠。長
鑿白木苦匆匆。且自耕雲半畝。轉眼霜林千顆。一笑對
山童。忘却生綃裏。欲倩右軍封。

又送陳六謙之安邑任

琴鶴渺然去。爲政足風流。何意鳳漂鸞泊。百里借君侯。
三晉雲山北。向咫尺。二陵風雨。納納動離愁。雪片大如
手。匹馬過蘆溝。門霜戟人繡。虎筆銀鈎。禹都唵眺。淋
漓墨瀋碧峰頭。試到野狐泉上。入望鹽花似霧。天寶物。

華收欲問段干木。舊蹟杳難求。

其年日風流豪邁堂堂復堂堂

山來日慨當以慷

又午日和其年

何處鬪蒲去。俛首飲醇醪。長安十度重午。令節又相遭。
不是今朝弧矢。不是今朝魚腹。歌哭總無聊。雲氣挾雷
鼓。疑聽廣陵濤。憶當日。觀競渡。趁江潮。天風正怒。彷
彿角黍飼饒蛟。憔悴故園心眼。潦倒女兒景物。未足寄
吾豪。和汝驚人句。土缶與雲璈。

又快雨

白雨響新瓦。火鬣走長天。錢塘萬弩齊射。驚起老龍眠。

疑是夔牛鼓震。又恐驅山鐸掣。潑墨盪雲煙。咫尺匡廬下。九疊亂鳴泉。飛石燕笑玉女。捲湘川。錚鏦金鐵洞。庭張樂宴群仙。立掃黃塵襪。一洗神皋禾黍。濃翠正娟娟。造物不言德。風日弄清妍。

鳳于日快哉亭上繪寫有聲有光虞次安瑞雨頌盛德形容當復過之

天香 咏綠牡丹為牧仲作

國色凝香。露華垂檻。苔痕欲上階砌。不就輕黃。還成嫩碧。接葉交柯無二。石家金谷。供妙舞珠珠。濃睡。渲染春光好處。掩映一天空翠。魚子暮雲微起。帶蕉牕幾分涼意。阿誰是。眉黛遠峰如此。倒挂嶺南。鳳莫藏影。花

間覓花。蓋芳草成裯。碧旗碾試。

其年日淡沲空明幾下水天一碧武曾日寫生妙手不藉粉本

又 龍涎香

孤嶼荒寒。斷潮嗚咽。抱珠神物濃睡。蜃霧成樓。綃宮噴雪。點點鮫人清淚。紅薇露溼。早釀就都梁佳致。巨舶長風破浪。似帶海山鱗尾。春閨夜闌。煙細鬱空青。水天霞氣。漫惹雨絲霑灑。金猊聲碎。鳳脰一枝。淡炷偎翠袖。餘寒戀纖指。莫放悠颺。繡簾匝地。

其年日此錢塘貴主奩中物也趙家姊妹雖有好香總不脫人間煙火

武曾日妙于曲寫龍涎不然博山爐中百和香鬱金蘇合及郁梁與此無與也

玉簫涼 七夕有感和其年

十載長安記如此。良宵團扇拋殘。龍梭初罷織。赴碧落
幽歡幾多。鈿合蟾子。陳瓜果。乞巧樓前。驚夢醒。但絳河
千尺。雲氣漫漫。無端嫩苔繡瓦。斜月窺牕。粧做秋意
闌珊。去年當此際。正同倚危欄。定識涼生玉簫。盼鵲駕
不到人間。天似水。擲淚珠。荷露爭圓。

其年日殊有雲鬟玉臂之思

暗香 綠萼梅

牆陰淡白。算雪晴未久。換成春色。一剪靡蕪移上枝頭。
弄輕碧。照水空明數朶。認樹老。雨痕交蝕。大好是洛浦

相逢尋翠羽消息。橋側聞夜笛。笑寂寂玉鱗月中難
覓。九疑舊客。又向蟠螭露仙蹟。轉眼青青似豆。還記取
前身蕭瑟。搖落處。苔影薄。依稀見得。

其年日後半閨鈎魂攝魄。姜白石不能擅美于前矣。山來曰。是為綠萼。傳神與泛咏梅花迥別。

畱客住 鷓鴣

瘴雲苦徧五溪沙。明水碧。聲聲不斷。只勸行人休去。行
人今古如織。正復何事。關卿頻寄語。空祠廢驛。便征衫
溼盡。馬蹄難駐。風更雨。一髮中原。杳無望處。萬里炎
荒。遮莫摧殘毛羽。記否越王春殿。宮女如花。祗今惟剩
汝。子規聲續。想江深月黑。低頭臣甫。

水晶簾

賦得無端嫁得金龜婿。辜負香衾待早朝。

夢細幽香靚。甚長樂鐘聲敲醒。倦眼迷離。訝寶炬星輝。照人難定。正好睡時。何處去。想蓮漏迢迢。尚永五更天。最是霜寒鎮教寂靜。徘徊掩清鏡。憶紅闥。深夜鄰鷄。曾聽。便惱他。咿啞未愁伶俜。不似而今。慵早起。怕瑟瑟。篝殘被冷。又爭如。簾幙長垂。小牕日影。

其年日于題意極爲體貼

尾犯

荀

小牕雨霽。傍疎籬一帶。籜聲盈耳。繩牀乍破。幽人夢。驗苔錢穿碎。墻陰屋角。鬱千尺。凌雲勢。笑洋州太守清貧。却饒玉版風致。曾過荻洲。江市銀鱗撥刺。出水向。柁樓晨飯。松溼煙青。燒來偏脆。谷口如蓬。宮中似束。故人情味最憐。是憔悴龍孫。琅玕銷盡。生翠。

燕山亭

九日排悶

北鴈橫斜似水。晴空無限。蕭蕭意淡。巷閉門懶。去登高。那問。幾人會。醉紅葉。青山正。渲染蒼涼。天氣何事。只辜負秋光。淡然而此。記得去歲城南。傍野逕。疎籬亂穿。濃翠。女兒景物。羈客心情。添得一番悲喜。便上層樓。望不到。故園千里。千里有多少。荒煙敗壘。

孤鸞

送陸蓋思歸武林時新有悼亡之感

新秋天氣正。河鼓星高。牽牛花媚。禾黍西風。驢背一鞭
遙指。有人巢青閣上。倚危闌。望窮煙水。那識猿啼鵲唱。
早斷魂千里。憶去年。瓜果閒庭裏。看兒女。燈前乞巧。
懽意。螢火斜飛處。昨夜涼于洗。而今歸來索寞。最無膠
黃昏。牕底鸞鏡。輕塵莫掃。剩盈盈清淚。

雙雙燕

見燕子營巢有感

舊年社日向聚。燕臺邊。送君歸去。杏花開罷。遲日園林
春暮。又栩栩梁間住。聽一片呢喃相訴。不嫌儂舍荒涼。
來伴京塵淒楚。柳絮池塘何處。看玉剪交飛。亂衝花
雨。主人謝客。辛苦舊巢將護。莫待新雛成羽。更去傍紅

樓朱戶。且自掠水啣泥。睡足一庭香霧。

阮亭曰竹屋梅溪夢牕白石四家之間可置一座
其年曰莫待新雛二語殊淡言外之感
武曾曰去傍紅樓朱戶較飛入尋常百姓家傷心十
倍

又詠鏡中美人影和沈鳳于

一泓秋水。誰移向淡閨。偷近蛾綠。空明不定。綽約伴人
幽。獨臨就。崔徽別幅。又淺笑輕顰。相矚何人。解識傾城。
自賞容輝。金屋掠削雲鬟。粧束問就裏。芳心可同千
曲。離魂初覺。嬌暈枕痕紅足。小閣朝來新沐。瞥收却巫
峰六六。怕是清冷圓冰。一擲黃金難贖。

金菊對芙蓉

和錫鬯蝶磯弔孫夫人

蜀國夫人孫郎小妹。腰間龍雀刀環。歎東南人物弱女。
登壇錦帆搖曳。江如練。望瞿塘。道路漫漫。永安龍去。蚕
叢夢杳。紅粉凋殘。靈澤遺廟。江干有雲車風馬。霧鬢
煙鬟。悵西風白帝鸞。馭難還。千尋鐵鎖銷沉後。家何在
兩地悲酸。千帆落照。漁歌唱晚。露白楓丹。

美門曰羽聲慷慨之中仍自粉心香口
其年日英雄兒女慨當以慷如見高涼洗氏月明錦
織也

宋既庭曰女子英雄得曹公彩筆憑弔幾令二喬無
色

鳳于日憑弔精靈足令漢苑吳官同悲離黍
月華清 詠山鵬爲阮亭作

織翠爲裳。凝丹作距。飛來何處煙暝。金索珊珊。落下碧

梧銀井。憶蜀國待詔圖中。共棘雀山花相映。難定。試洗
却濃妝。雪衣嫌影。挂向玉堂淡處。莫百轉。駒駟惱人
幽靚。夢結梨雲。怕是數聲驚醒。若覓句。負手巡檐。更攤
書茶清香冷。風靜好。低徊一曲。伴他寒磬。

其年日冷香幽翠烘染絕倫
山來日是一幅絕妙着色翎毛

催雪 珍珠蘭

嬈。嬈牽風。溥溥帶露。窈窕最宜。淡院恰聞海移來。龍宮
幾串。金谷墮樓。姝麗伴杜若。江離分嬌面。鮫人淚滴。紫
莖蘋甲。都教開遍。開遍。含笑盼。任徑寸蚌胎。讓他香
舊。羨瑟瑟輕圓。涼颺吹顫。莫向池塘顧影。怕瀉入紅蕖。

上
尋難見正髮髻粧晚珠娘頭上一枝微綻。

又紅梅

夕雨凝丹曉晴着樹。麋眼小籬如繡。喜照眼偏明。數枝
窺牖。只恐春寒微重。費幾許燕支。勻紅縹。峰迴路轉。紛
紛開落。武陵近否。清瘦。蘋玉鏤。看一片迷離。斷霞鋪
就。甚真色。苧蘿。縞衣非舊。好伴吳娘記曲。碎顚顚珊瑚
盈懷袖。嘆隴首萬點風飄。冷落絳綃時候。

月下笛 悼何蕤音

官閣明燈。珠簾覆屋。雨中淡酌。茶煙綽約。簷花聲在。簾
箔酒人已逐。浮雲散。轉眼叫秋。須夜鶴。想鴛湖畫舸。一
天絃管。更誰行樂。思着中情惡。記威鳳文章。神羊頭
角。龍賓揮霍。滿痕還帶釵脚。原邊宿草。年年綠。有多少
西州淚落。斷魂處。隔江南。苦竹黃蘆寂寞。

玲瓏四犯 送杞園遊西湖

三月吳山記。梅子黃時。幾多煙雨。載酒西泠。千頃嫩荷
澄暑。沉醉失却湖光。似夢裏。斷雲飛絮。嘆軟塵十載。遮
留。翻送故人遊去。一枝柔櫓。穿花路。淡空明。箇儂眉
嫵。檀欒金碧。天然麗都。在晚霞紅處。試問堤畔垂楊。尚
否青青如故。遇禪燈老衲。還爲我殷勤語。

鎖廳寒 倭奩

巨舶巍峩寒潮寂寞。颶風吹暝。鸞膠鬼斧。製自海山人。
境鬱金沙屑來粒粒。明霞猶帶。歐羅勝想。龍涎潛貯。冰
綃偷捲。迷離交映。光靚伴清鏡。試摩挲小簇。玉纖留
證。宮鴉一色。拖逗麗華雲影。憶當年連弩射魚。浩蕩煙
波歸未肯。更誰攜綵扇。昆刀泛蓬壺。月冷。

又 卽事

銀鴨香銷。湘篝獸冷。夜長生倦。寒梅未放。勒住春痕一
線。聽驚沙飛鳴陣陣。颯然似入關山怨。想參旂半落。明
河斜挂。霜風如剪。思遠情何限。縱文鴛交扣。繡衾爭
戀。迢迢玉漏。海水注來難滿。還愁他旅夢乍回。屈曲銅

鋪門靜掩。更誰團雪作。猶兒吹小牕人面。

又 爲梁大司農悼亡

苔溼春蕪。蛛紫繡幕。悄無人影。玉釵斷後。曲曲畫闌誰
凭。怕紅絲繫來雙燕。呢喃還向珠簾等。縱寶衣施盡。縷
金裙在。淚花猶剩。厮映生悲哽。記皂筴煎成鸞膠未
冷。彩雲一片。又苦斜風吹暝。步瑤臺姊妹肩隨。茫茫那
知長夜永。問何時環珮珊珊。飛下蓬萊頂。

鳳于日 迷離哀怨

山來日 凄惋悲切哀而不傷○等字妙押

百字令 咏史

海門一點。駕素車白馬。怒潮來去。回首蘇臺金虎氣。斷

送幾場歌舞。鄴家門。荆蠻帶礪。兩地應難補。英魂猶在空餘血淚凝注。五千甲楯行成。十年生聚。軋軋勾章。艣吳越。與亾關底事。都作寒江煙霧。入楚旌旗。盟齊歲月。寂寞渾無據。蘆中人杳。區區恩怨何苦。

阮亭日起句英靈颯然如見穿山脇挾文種時也武會日逝水與亾間中憑弔只百字寫來可當一編越絕

鳳于日每嘆吳越與亾全賴左國越絕諸篇留人慨想不然戰國六雄與漢陽諸姬同盡耳得此自足千古

又

田光老矣笑燕丹。賓客都無。人物馬角烏頭。千載恨。七首匣中如雪。落日蒼涼。羽聲慷慨。壯士衝冠髮。咄哉孺

子武陽。色怒而白。試問擊筑。漸離此時安在。何不同

車發。負劔祖龍。驚掣袖六尺屏風。堪越貫日長虹。繞身銅柱。天意畱秦劫。蕭蕭易水。至今猶為嗚咽。

阮亭曰此首尤逼幼安神氣俱肖南渡二劉絕脰未必到此

其年日沉着頓挫必傳必傳山來日無限感慨恍聞當日變徵之聲

又

南山歸晚。遭相訶醉尉。灞亭秋暮。故李將軍猿臂在。射石猶能飲羽。虎鼠行藏。煙雲變態。若輩爭知否。霜寒草短。且尋田舍歸去。回首百戰功名。北平上郡。歷歷風沙。苦屈指封侯。諸校尉。意氣寧堪儔伍。白髮宮娃。青衫

上
羈客老淚同今古。掀髯一笑。塵埃野馬看取。

阮亭曰：衛霍天幸，李廣數奇。太史公於此三致意焉。然後人謂讀衛霍傳不值一錢，讀李將軍傳英風如在二者將何居耶？武曾曰：有草枯鷹眼雪盡馬蹄之概。

又

出師二表與殷盤周誥同銘金石。臣本不求聞達者。爲許先君破賊瘴雨蠻江。秋風渭水上。將揮神筆。落星如斗。熒熒火井將熄。今日丞相祠堂。黃鸝碧草俯仰悲陳迹。八陣圖邊波浪湧。似恨譙周鬻國。一片降幡千尋鐵鎖。鼎足三分失。先生已矣。何能親見銜璧。

阮亭曰：有才如此。可謂筆補造化。天無功矣。不能名其所以。直須五體投地耳。

其年曰：拔地倚天。鯨吞鰲掣。鳳于曰：森沉閃爍。亦詞中臥龍也。古人詩文甚頓頌者。其昌黎之平淮。西山谷之題浯溪乎。山來曰：鳳于評是。

又

三臺鼎峙。俯清漳如帶。東流淒切。數載譙南泥水路。射獵讀書人傑。橫梁悲歌。臨江灑酒。一片雄心。熱二喬何在。東風吹浪成雪。更憶繡虎蜚聲。陳思才調。舞蔗中郎絕。縹緲西園飛蓋處。賓客應劉心折。吳蜀君臣。魏家父子。人物皆英發。何哉青史。世龍猶自羞說。

姜門曰：稼軒詞雅健雄深。太史公吾欲爲此詞。移贈阮亭。曰：兩段結束皆妙。境似有神助。其年曰：置此等詞于龍門列傳。杜陵歌行間。誰曰不如彼。以填詞爲小技者。皆下士蒼蠅聲耳。

又張先生席上咏鸚鵡杯

濁醪妙理。向水晶宮裏。搜羅杯斝。海氣冥濛。光不定。逗漏通明一罅。織水爲衣。流波似羽。鸚鵡佳名也。畫堂捧出。隴頭孌孌飛下。盛來琥珀香濃。鶯兒黃嫩。浸明珠無價。想見蜃樓歌舞處。玉乳瓠漿自瀉。風雪撩天。金貂滿眼。我是悠悠者。莫辭一醉。簾櫳嬌鳥相罵。

美門曰風雪數語妙在題外題中恂恍迷離不可思議

阮亭曰鸚鵡螺歐公曩以長歌擅場寶庵此詞幾欲方駕

又天龍寺高歡避暑宮遺址和錫鬯

蒼苔古瓦。是人天法界。雪山淡處。燕麥兔葵。荒草地人

道高王曾住。水殿風涼。瑤臺露白。院靜渾無暑。流螢閃閃。宮墻飛入無數。遙想渭水邛山。東西蠻觸。五技窮。鼯鼠勑勑。老公訝慷慨。早見英雄黃土。馬稍功名。人龍意氣。總逐西風去。繁華銷歇。統然朝暮。鐘鼓。

阮亭曰與錫鬯是一勁對其年日章法極似老杜哀江頭

又朱錫鬯過訪不值悵然有寄

春風吹面。又匆匆過了。傳柑佳節。羸馬敝裘。何處去。一刺懷中磨滅。日跳如丸。臣飢似朔。那得名心熱。思君一話。瞥然鴻爪。畱雪。記得昨夕燈前。流連蕃錦。錫鬯詞名無縫仙衣。接白石小山。門逕在天半。峨眉幽絕。火樹連宵。

歌鐘匝地。奪我冰腸潔。因風寄與。重來同醉煙月。

美門日舍毫邈然

又 中秋和其年時甫過地震

晚霞成暈似非煙。籠就霓裳僊闕。只恐清光明作鏡。照見鬚眉愁絕。靜掩珠簾。輕遮團扇。蜃霧樓臺結。憑誰吹散。玉簫聲細如髮。况是一陣罡風。須彌芥子。偶現空花劫。八柱蛟龍還掉尾。穆穆金波無缺。動魄驚心。十年兩度。錯過中秋節。餘生瓦礫。他時月底重說。

其年日老筆紛披

山來日可與東坡水調歌頭一闕頡頏千古

又 庚申閏中秋和其年

月如無恨。便清輝萬古。長圓難缺。昔我來思。渾不記瓜果中庭重設。余生甲戌是年亦閏八月身世斜陽。悲歡逝水。鬢有星星髮。驚聞人語。今年兩度佳節。却憶去歲中秋。輕雲薄霧。黯黯芙蓉闕。造物多情。還補得。潑眼明蟾奇絕。再舞霓裳。平分桂影。疑對千峰雪。重陽遲了。幾行白鴈。能說。

又 閏八月壽阮亭

銀蟾的皜。記何時此月。重啓珠宮。羽葆虬幢。紛去住。石磨飛下天中。四十七年。匆匆過却。回首憶生崧。仙家晝永。雕弧今日初逢。等到人歷花磚。文登金鏡。乃許醉

上
顏紅。李杜詩篇聞。帝語莫筴纔發銅龍。縹緲蓬山。從容赤舄。幾見桂輪圓。他年佳話。依然玉露秋風。

珂雪詞下

安丘曹貞吉實菴著

同學諸子評選

解語花

咏水仙同家弟作

鏤水作面。剪雪爲衣。溪畔盈盈女。幽懷誰許。相逢處。翠袖低垂不語。淡黃眉嫵。聽子夜歌殘。白紵更難兼並蒂。連枝姊妹還同侶。因念雲迷洛浦。自陳王去後。離別酸楚。明珠翠羽。相遲誤。脉脉此情塵土。花魂無主。抵多少。小牕微雨。願年年。月白風清。仗東君畱取。

美門日後段曲傳水仙之神幾於化工在手近人詩
瑤臺夜冷黃冠怪小洞秋深玉佩涼徒形似耳

阮亭曰極似延露佳作宜美門之歎絕也
其年日脉脉盈盈幾于凌波微步矣

又 和人咏驪山溫泉

蜃蒸作霧地湧成珠。一水溶溶貯炎涼。誰主大千界。只有清流可語。乾坤奧府。是天地恩波。凝注閱從來。蕭索繁華多少。傷心處。記否長生雨露。乘春風靈液。蕩滌容與。寬裳妙舞。驚魂散。鐵騎漁陽。鼙鼓石蓮如許。想舊日魚龍無數。悵華清一帶。靡蕪任撫。今弔古。

美門曰天地恩波凝注勝於此中涵聖澤悵華清一帶靡蕪勝於竹樹陰陰碧殿寒世有賞音當不以僕為阿好其年日華清殿後綉嶺宮前滿日典亾沉吟不少如讀汾水秋風之曲不得不呼李嶠真才子也書樵曰前半確渾後半蒼涼各極其致

又 詠美人花間影和鳳于

伯勞偷喚纔理晨粧。小立東風徑綠陰。淡靚苔痕溼。羅襪一鈎。清冷遲迴不定。喜蝶粉花光相映。生憎他倒暈明霞漏洩。驚鴻影。百裯繡裙。厮稱似天風吹墮。露桃仙井。冶遊暗省。銷凝處。怕惹離魂難靜。流輝耿耿。任撲簌亂紅飛。暝帶滿身香氣。歸來向枕邊。猶剩

渡江雲 送蔣京少下第遊楚步其年韵

對西風一笑。碧雲黃葉。悵悵舊霜毫。珠投仍按劍。悔殺平生。未譜鬱輪袍。雪花似翼。桑乾路。寒色刁騷。任紛紛。黃金白璧。意氣屬吾曹。帆搖女兒浦。口新婦磯邊。看

江天影倒。問六朝。艤艫鐵鎖。盡逐洪濤。蘆聲瑟瑟。鷓鴣絃
急。伴漁火酒醒無聊。湘岸濶。回頭咫尺。青霄。

又 欲雪

溼雲黏似絮。關山凍合。風色偃貂裘。玉樓寒起粟。知是
僊人咫尺。駕銀虬。黃昏漠漠。牕影黑。思挂簾鉤。誰剪碎
明河水。一夜下皇州。還愁。孟婆潦倒。滕六商量。怕
梅花孤瘦。又化作輕煙薄霧。繚繞枝頭。五更錯認虛生
白。最分明。碧落清幽。成獨笑。飛瓊畢竟遲留。

其年日結語傲睨

山來日句句是欲雪妙甚

珍珠簾

為牧仲題楓香詞

烏絲閒寫柔情句。吟紅豆。才子梁園新賦。高調和人稀。
似引商荆楚。憶佩雙鞬。隨豹尾。諳出塞。淒風零雨。辛苦
早中年。易感鬢絲添素。又向粉署為郎。聽薰香侍史。
驚笙曲度。動魄復驚心。耿一天星露。江上青楓。聞鐵撥。
抵多少。海飛山怒。休訴倩岑牟。在客搥殘羯鼓。

武會日跌宕纏綿三復此詞並覺楓香佳句可挹

鳳于日絕似惜香樂府

又 賦得水晶簾下看梳頭

雕房幾曲。桐陰裏。金塘側。第一傾城。姝麗髮鬢。照人明。
學遠山螺髻。蟬影花光。相撩亂。襯一片。芭蕉濃翠。清綺。
更珊鈎。犀押冷波橫地。疑是月底。初逢。被水輪掩映。

織綃情思宛轉。翫瓊顏。倩曉風吹起。人在銀河清淺處。
倚白玉欄杆。如水心醉。想道書慵把。幽懷旖旎。

其年日玉殿瑤臺一清如水
山來日清綺二字可移以贈此詞

木蘭花慢

送孫開盛假歸用稼軒韻

桑乾河畔路。沙似雪。是還非。想杖策從軍。頻年轉戰。今
始成歸。金鑕山南射虎。更淋漓。醉墨染弓衣。白馬青絲
未了。霜鱸紫蟹空肥。擁麾清渭駐全師。落日二陵西。
早一騎黃塵。數聲清角。東下旌旗。依稀四明狂客。看江
湖滿地。鷓鴣飛。無那孫郎病骨。不勝玉繞金圍。

美門日想見傳修期一流人物

山來日此調二字句最難安頓今三闋俱妙極自然

又寄武會

故人知我在。在枉尺素。自菰蘆。想秋錦堂中。蕭然四壁。鶴
徑親鋤。蘧廬不堪回首。望青山。一髮淚痕枯。九日龍番
葉落。三秋葛鏡霜鋪。歸歟。迢遞歲華徂。渺渺正愁予。
想夢覺沉吟。鳥名脫佛魚。喚姬隅南湖。先生健否。正長
安冰雪上。鬢鬚辛苦。馮唐老矣。煙波垂釣。何如。

美門日青山一髮淚痕枯視別淚滴清頰其句彌工
其情彌苦

武會日洗馬言愁令人心折况聽者如予也雙鯉南
來斷腸久矣

又送徐方虎倂歸

官河懸夕照。帆十丈影垂垂。正白露橫空。寒螿聲急。蘆

下
葉爭飛。追隨東門千騎。美相如擁傳。有光輝。驛路水明沙碧。江鄉鱉美鱸肥。東籬無恙。柘桑圍。罨畫越來溪。早魚鳥關心。煙霞寄傲。才子初歸。燃藜龍門太史。擬江山賀監。是耶非。莫戀紫萼紅蓼。來司玉冊金泥。

美門曰茗雪故當不讓鑑湖山來曰逸興遄飛

桂枝香

嶼

風清露細。早稻熟江鄉。嫩涼無比。八跪雙螯。郭索逃離煙水。斷蘆折葦洲邊。憩美輪囷行沙如駛。寒潮來去。孤舟沒滅。漁燈初起。正好是荒村雨霽。問何人。冬筍蕭然汀嘴。小市平橋過處。霜天凝紫。橙黃橘綠。登高會醉。

東籬酒人風致。依稀記得。魚莊設。斷夜分無寐。

武曾曰兩尾句的是齊魯間風景。輟筆有鄉園之思矣。

鳳子曰描寫入微。讀橙黃橘綠數語。更令人食指欲動。真不數一鼓。玄黃。耿瑁膏也。

齊天樂

嶼

前身疑是空山侶。遺蛻杳然仙去。露給資糧。形藏密葉。有得孤高如許。綠陰亭午。引天籟笙簧。移宮換羽。雨後微涼。餘音搖曳過庭樹。依稀銀鴈柱。繫被晚風吹斷。曼聲淒楚。八尺琉璃半簾蒼翠。睡起了無情緒。秋來更苦。咽四壁寒蟲。無聊和汝。且莫哀吟。覓疎林宿處。

錫鬯曰數語極似草牕

山來曰形容盡致。後半闕更具疎引清商之感。

又 春晚同諸子遊祖園

城南韋曲東風路。長蕪綠暗如許。帽影參差。衣香掩冉。漸入水雲多處。閒亭列俎。似鮭菜江鄉。茶煙顧渚。浣盡京塵。一雙布穀樹陰語。 溪卮且共斟酌。怕穿林風雨。亂紅無數。節過浮觴。人同荷鋪。作達全忘羈旅。遊絲飛絮。倩燕嘴蜂須。將春繫住。芍藥開時。又攜尊看去。

其年日流連節物愛惜景光遂爾一往盡致
山來日燕嘴句幽蒨安閒令人咀嚼不盡

水龍吟

咏柳絮用坡公楊花韻

千紅萬紫誰畱。頻驚暗裏韶光墜。飛來何處。漫天香雪。撩人情思。纔過平橋。又穿小徑。柴門深閉。任蜂鬚燕嘴。

交脚不定。三眠了。還三起。記得鶯黃初擱。等閒間。又

成虛綴。曉風乍引。離魂難定。杜鵑聲碎。飄泊無心。輕狂有態。恨拋流水。願年年。常傍永豐坊側。看伊清淚。

阮亭曰與美門螢蓮二詞可以頡頏
武曾曰冷蘄疎葩妙無組織

又 白蓮

平湖煙水微茫。箇人彷彿橫塘住。碧雲乍起。羽衣初試。靚妝楚楚。露下三更。月明千里。悄無尋處。想蘆花蘋葉。冥濛一色。迷玉井峰頭路。 莫是苧蘿未嫁。曳明璫。若耶歸去。遊仙夢杳。瑤天笙鶴。凌波微步。宿鷺飛來。依稀難認。風吹一縷。泛木蘭舟小。輕綃掩映。問誰家。女。

其年曰人常呼衍波爲王桐花閱此闕我欲呼先生
作曹白蓮矣

武會日供奉醉中作白蓮序宮人以冰水沃之若朗
吟斯闕自當勸以香醪

又春日送客過慈仁寺感舊

尋常彈指聲中優曇偶現空王地。海棠着錦丁香衣紫。
霞烘煙細。急管哀絲。青衫白袷。嬉春情味。嘆穠華電擲。
風流雲散。容易下中年淚。身是金閨倦客。賦渭城重
過蕭寺。倡條冶葉。笑人岑寂。樹猶如此。只有孤松似會。
扶我當時沉醉。倩禪燈老衲。往來指點。說花榮瘁。

其年日未免有情誰能遣此讀此數過髣髴洗馬渡
江時也

武會日俯仰陳蹤如訴如怨僕本恨人何能再讀
山來日一字一珠

又咏蠟梅

嶺頭異種誰畱。檀心初暈猶含凍。輕黃試着。歌翻金縷。
曉風吹送。剪蠟王郎等閒粧點。珠珠成鳳。想壽陽閣下。
飛來一片。遠山際。蜂黃擁。記否師雄。曾夢月朧朧。拂
衣寒。重颯然。驚覺。天空雲淨。翠禽微哢。乳色侵鷺。流光
照夜。暗香浮動。願明年更綴。如來金粟。淡煙低攏。

美門日用蠟事僻而巧典而新
山來日工于賦物千古獨步

憶舊遊題郭熙秋江行旅圖

看迷離一片。淼淼洪波。漠漠平沙。烏柏丹楓岸。問何人
驢背。悵望天涯。驚風亂葉飛墜。帽影任欹斜。况幾縷殘

雲千尋。巒嶂滿目蒹葭。荒寒入真境。是舊日河陽貌。寫煙霞。會記遊吳楚。泛扁舟。東下指點神鴉。少年回首一夢江上聽悲笳。更對此何堪。京塵如霧。開棟花。

瑞鶴仙

咏灌嬰廟瓦硯

照夢牕詞填

嶙峋黃玉璞。化陶泓光怪。藝林棲託。梅花費雕琢。問何時出土。琉璃如削。漢家封爵。是潁陰諸侯刻。桷嘆灌池。遺廟荒涼。怊悵風雲。刀槩猶昨。滎陽屯後。白馬盟書。丹青酬酢。幾年索寞。人礪劔。牛磨角。論功高。值得詞華消受。十二龍賓盤礴。試代他看鼻磨來。筆花亂落。

阮亭日賦廟賦瓦賦硯凡作數層洗發剝芭蕉手也其年日人礪劔六字是張王樂府中語

宴清都

詠宋人大食斃茶杯

猶帶鯨波冷。遙天色。斷雲微露清影。玻璃質脆。盈盈不類。汝哥官定。曾隨貝葉金書。煩赤鬪拳鬚管領。而今作承露銅盤。僊人淚滴猶剩。思量紫袖昭容。白頭阿監。

淡夜調茗松濤罷。響流泉淡注碧梧銀井。那堪回首天上空。暗憶龍團鳳餅。伴高齋瀟灑。琴罇小牕日永。

阮亭日無中生有前段似閩立本畫後段似唐人華清宮詩

其年日秋槐葉落滿紙閒愁山來日道染自然饒有瀟灑出塵之槩

花犯

詠花鴨

傍雕欄啄花。啜葉呼名。任遊戲。依稀蘆岸。蘸拍拍煙波。

成隊飛起紅裙偷裹採蓮女船頭競弄水好趁取碧天
雲淡枕椰斑暗記何人竹弓莫輕彈鴛鴦交頸處驚
他濃睡爭撲鹿澄潭下嫩黃難比渾迷却斷霞一點看
隻影橫斜穿暮紫倩去伴甲煎銀葉蹒跚香霧裏

其年日字字研細鈎剔入微
山來日于枯題中有掉臂遊行之樂洵是天才

臺城路

詠隗囂宮薨盃

丸泥不閉函關路神功煨來杯竿色映琉璃聲隨哀玉
淺碧嫩黃交射流霞欲化想西伯雍容葡萄傾瀉紫殿
基平何人收拾夜泉下千年又成廢寺早霜鐘粥鼓
相伴清暇土嚙花珩魚吹浪白過眼興亡難話誰堪並

價有銅雀荒臺尚畱殘瓦且盡淡卮任更闌燭地

阮亭曰起句奇陡匪夷所思
其年日一起亦屬神煨

又 遠后洗粧樓

東樓春色天邊落來時白蘋風作鳳輦會畱瑤臺乍起
粧點遠山眉角宮蟬綽約想欲動晨光未垂簾箔炫轉
熒煌明星一一帶池閣興亾幾番過眼聽遊人指說
斜照城脚窄堵波高雨淋鈴急壞磴莓墻蕭索驚鷗振
籥是曲裏琵琶白翎哀雀只有長河潺湲聲似昨
其年日隔江商女猶唱玉樹後庭花均茲妍婉

又 送分虎歸長水

秋陰慘淡天如墨。城頭角聲初起。野水長橋。炊煙小市。魚尾斷霞成綺。羈愁未已。怕土銜荒涼。夜長難睡。人影幢幢。一行清露曉風裏。分湖紫蟹。正美桃鄉新稻熟。流匙香細。白鴈縱橫。黃花爛熳。還憶離亭。曲子行滕。漫試便脚底。匡廬不如歸計。霜冷吳根。扁舟棲暗葦。

柳色黃

對雨和竹垞

柳絮爲萍。梅子漸黃。天氣如許。溪雲乍起。遮山釀做。幾絲微雨。東西不定。搖拽淡霧。輕煙荷錢一一跳珠露。庭樹碧參差。蔭青苔無數。平楚斷塘。遙指如髮。秧針綠。迤南浦。暗想空江。軋軋唯聞柔櫓。亂紅無影。寂寞靜掩。

疎籬銅街溼。糝香塵路。倚斗帳高眠。小牕邊聽去。

拜星月慢

秋日雨後飲宋子昭新泉亭座上聞歌

撩亂苔錢。差池菱葉。白板橋邊。秋水點點浮漚。溜銀塘珠碎。斷雲溼。拖逗餘霞明滅。暈作遠山螺髻。薄暮罇開。正玉簫聲起。顫冰絃百轉。春鶯脆。西風冷。月落朱門。閉一朶兩朶幽蘭。共荷香迢遞。汲新泉。乍試龍團。味紅燈小。不照愁人醉。待歸時。露滿閒階。有唵蟲伴睡。

霓裳中序第一

詠龍鬚爲渭清賦

崢泓勢猶怒。誰向層波剪。冰箸憶當日。青天乍擘。伴火鬣朱鱗。度雲穿霧。清秋島嶼。抱驪珠。濃睡腥雨。莫也是。

洧淵戰罷。飄落翠蓬路。羈旅生涯如許。還藏得鮫宮

幾縷。輕綃鈿合。潛貯怕一夜驚雷。破壁飛舞。何人拾鳳

羽。便鬪草休教換去。他年事天風鶴背。拔下又重數。

沈亭曰起句突兀前段離奇光怪似錢唐君破陣樂結句有割垂龍左耳之與

其年曰離奇怪詭筆墨之妙至此如鼓天風海濤之曲令我三日耳聾

又為札園題浮家圖

煙波寬幾許。抖擻青簑垂釣去。恰流水桃花時節。對西

塞山前。一雙飛鷺。高風可遡。倩生綃三尺。畱取看歷歷

筆牀茶竈。泛宅畫中住。今古逃名漁父。怕東華軟紅

如霧。江湖自結鷗侶。正柳下移船菰邊分路。美人共蘭

渚。又何必天家賜與仙槎。上此生有分。鼓枻帶笭否。

綺羅香 宋牧仲座上聞歌

抹麗凝香。池塘過雨。屈注明河天際。雪酒銀桃。六月燕

山風味。倩數聲玉笛吹來。似一串驪珠。擲碎看盈盈初

日芙蓉。雙瞳剪水。兩眉翠。青衫畱落舊客。遮莫嬌絲

脆管。難令沉醉。幾點螢光。猶照蒼苔無寐。好官調賀老

教成。倦心情。屏風立地。漫流連入破伊州。記楓香曲子

其年曰百轉春鶯屏花俱碎鳳于日一種生香不涉柔靡

又沈融谷新娶夫人善乘書同人共賦

柳密藏鴉。堂空語燕。大好天桃天氣。蝶粉初消。二月東

風破睡。鏡奩映筆格。珊瑚硯匣伴眉粧。翡翠最憐他腕底。橫斜。烏絲閒寫麗情字。珍珠指下亂撒。彈入明光。一曲聲隨流水。兒女喁喁。點綴小牕幽致。妒兩行銀鴈。輕飛。墮萬里玉關清淚。記夜淡金鴨燒殘。迷離香霧裏。

瀟湘逢故人傷

張晴峰修雷琴成有贈

千年神物是天寶。元音宣和遺譜。零亂金徽。苦想閱遍繁華。遽然今古。流水高山。彈不盡喁喁兒女。當此際。燕市重遊。白髮郎官知汝。續鸞膠。調鳳味。早韻磬琤琮。響泉淒楚。百衲還堪鼓。似海岸窈冥。成連徑去。危柱哀絃。抵多少。驚沙飛雨。再等到。蛇蚶紋成。又是幾番日暮。

阮亭曰董大琵琶申湖子簞策張猩猩湖采諸作可以並傳

其年日碧桃已謝素柰方開閱末數語殊有觀河面

武曾曰操纒金門商聲淒婉歐公晚得雷琴而意愈不樂豈真在人不在器耶

永遇樂

送孫吧瞻學士歸省

十丈蒲帆。一篙秋水。仙舟天際。繡虎才人。珥貂貴客。歸作承歡計。當年射策。五雲日下。臚唱魏公第二。羨璧人天街衣馬。夾道爭看如蟻。紫宸朝罷。講筵初御。金椀天漿親賜。東觀淡嚴。北門清切。待署黃麻紙。君恩暫許。湖山佳處。添箇官袍萊子。須珍重。黑頭卿相。碧紗名氏。

孫仲愚曰一字移贈他人不得所以大家山來日盛唐應制遜此清華

又和人望峯山

誰鑿鴻濛最驚人處。芙蓉千丈。激蕩疑潮。崩騰似馬。羅
列兒孫狀。八荒雷雨。一天蒼翠。縹緲靈旗想像。待清秋
憑陵絕頂。畫裏秦川如掌。潼關孤聳。黃河東注。俯覽
翻增惆悵。颯颯天風。泠泠環珮。九節仙人杖。咄哉韓子。
蒼龍廻馭。那得褰衣長往。耐可拉青蓮居士。三峰高唱。

羨門曰于鱗曾有言太華以拙句取雄不謂又逢勁敵讀起三句便知非太華不足當此

消息 和錫鬯度鴈門關

蕭瑟關門。西風吹雪。貂裘都偃。蟻垤行人。羊腸驛路。哀
角邊聲怨。魚海冰寒。龍沙戍斷。歷亂蓬根飛捲。悵青衫

暮雲驅馬望盡蒼蒼修坂。絕壁祠堂趙家良將。入夜

靈旗如電折。戟沉沙。老兵拾得磨洗前朝。辨塞鴈南飛。

滹沱東注。可惜英雄人遠。問誰是封侯校尉。虎頭仍賤。

羨門曰度鴈門作悲壯語人盡知之有如此雄渾蒼老否

阮亭曰集中和錫鬯塞上諸作皆有龍象蹴踏之勢朱十幾不能堅其壁壘

其年日廢驛荒祠長吟鼻嘯當今不得以此事推

秋霽 本意

過雨長天。早露重閒階。新月如沐。射角明河。垂簷珠斗。
苔影上人眉。綠流螢誰撲。霜紈小扇。銀塘曲。渾無寐。風
度藥欄。戛戛响修竹。漏殘酒醒。篆冷煙銷。隱壁秋蟲。

似伴幽獨。拂莓墻。花香作陣。秋蘭綽約。疑空谷。故國難窮。千里目。悠然歸興。只在黃葉村中。白蘋鄉裏。數間茅屋。

錫鬯曰其源出于遺山

其年曰我欲倩虎頭寫此數句小景以當還鄉何如

南浦

春水用玉田詞韵

新漲碧于天。近清明。做弄橫塘晴曉。輕燕掠波圓。靴文細。一片麴塵誰掃。魚梭織影。跳珠只似荷錢小。催雨東風寒又暖。綠遍長堤芳草。漫漫別浦。滌洞驚畫船。簫鼓鷗眠未了。鴈齒接紅橋。漁莊遠。何處鳴榔聲到。斷煙渺渺。斜川如帶。平蕪悄。撲面楊花飛作陣。添入浮萍多。

少。

武曾曰鷗眠未了。襯簫鼓句下。輕俊欲絕。山來曰情景兼至。備擅詞場之勝。

又

秋水再疊前韵

片月映寒汀。碧澄澄。人對江山清曉。綠淨繞柴扉。晴磯上。已有垂楊先掃。蘆花似雪。連拳鷺占圓沙小。淡抹遙天。渾一色。夾岸粘雲衰草。百川爭赴長河。看魚牀燈火。黃昏近了。白露老蒹葭。清歌發。無數採菱船到。平湖浩渺。芙蓉落盡空潭悄。又是霜明波冷後。此際撈蝦人少。

武曾曰郭熙畫記秋山明淨而如洗。此語只如秋水詞中澹林遙天渾一色。此句却似秋山。然互易便成。

死句非解人那得知其故
山來曰合春水作觀之一句不可移易真化工筆也
花發沁園春 詠司馬相如私印

倒薤披離朱絲零亂土花苔葉交亞龍文覆斗天色垂
陰溫潤玉情堪把千秋作者字裏認當年司馬嘆經過
華屋山丘閱人良自多也 辛苦臨邛書劍倩何人昆
刀刻鏤風雅凌雲賦就卓女粧成十樣蠻牋親打纖纖
欲下早逗漏明紅一罅好留伴硯匣琉璃冷光朝暮相
射

其年日筆情淡冶亦似卓家眉黛
阮亭日便以風致勝
又賦得流水桃花色

萬點殘紅五更微雨夜來初堊傾國暗落無聲飛流不
定染就明霞一色鮫妹淚織似淡抹胭脂還溼最好是
啖影游魚儵然身住花宅 莫也神仙作劇賺溪邊漁
人歸路難識一篙渡濶千尺潭淡根葉漫從尋覓珊瑚
浪擲任送下東溟無力蕩空濛水氣花光赤城雲起相
射

武曾曰流水桃花繪家須用沒骨乃合先生之詞得
之拙手但暮色相縱饒光澤只是鄴下桃油瓦耳

尉遲杯 詠木碧山銀槎照蔡松年詞填

黃流注送扁舟似葉凌雲渡蟲書猶記當年想見良工
心苦何人稱杜舉都不管華堂幾朝暮但茫茫醉了還

醒夢裏居然千古。因思博望去遠。縱首藉葡萄。回首
非故。太乙爐開。朱提液冷。好泛明河淡處。問此去盈盈
一水。曾否有黃姑相逢語。慢學他羽化神奇。酌盡天漿
無數。

阮亭曰。足與顧菴長歌並傳。

山來曰。刻劃處都無斧鑿痕。所以爲佳。

望遠行

咏延陵季子劍

寒星黯淡青銅色。出匣驚飛風雨龍。鱗三尺。虎氣千年。
彷彿精靈堪語。記得當時曾帶故人荒隴。此道于今如
土。挹神光。重見冠裳楚楚。賓旅鳴珮。中原歷聘。只解
識寸心相許。回首蘇臺魚腸。忽起散亂長鉞。無數試甲

要離墳草。鴟夷潮水。一樣英雄難訴。對州來君子。恩讐
忘否。

阮亭日題中題外無一不到
其年日偷聲減字吹出吳越春秋

解連環

咏蘆花遙和錢舍人

驚風淒切滿江干。一片凍雲吹折。飄萬點。不辨東西。枉
賺得行人鬢絲添雪。明月光中。隱沙岸。鴻聲清絕。更聞
隨釣艇。暗入柴門。伴人騷屑。助他怒潮。嗚咽捲興亡。
舊恨浪花明滅。笑垂楊。只解飛綿。難點上征衫。迷離成
鐵。露冷蒹葭。還記得綠芽如髮。問故家秋娘。何在風流
總歇。

下

錫鬯日湘瑟原詞工緻已極未若此意態橫出正無異子瞻之和質夫楊花也
其年日換頭以後有五十二顆真珠盤旋紙上既庭日滿地蘆花和我老舊家燕子傷誰飛同此淒涼感切不獨調之珠圓玉潤也
山來日不着色相偏饒斌媚

一寸金 詠長平遺鏃

數點寒葦入眼離離土花碧是咸陽王者神兵親鑄沉沙千載耕夫重得黥黥黃金色試磨洗猶堪穿石笑平原計誤馮亭圍合邯鄲幾輕擲暗想當年武安初將疾聲撼趙壁早沙蟲猿鶴一軍都化粘雲衰草戰場如昔鬼哭西風裏最慘澹天陰月黑乍摩挲線齒銀闌怕帶青燐跡

阮亭日字字神境一篇用古戰場文筆力如牛弩其年日仍是實菴咏史詞

風流子 京口懷古

三山圍鐵甕孫郎後今古幾英雄憶北府參軍寄奴王者金戈鐵馬橫據江東凌敲上歌風追漢帝置酒宴羣公一代偉人龍行虎步十年征戰洛下關中祇今憑弔處佛狸祠下路煙樹冥濛為念尋常巷陌社鼓連空算礪礪戰地幾多白骨金焦名勝兩點青峰惟見驚濤滿眼東去匆匆

阮亭日侖儻權奇如此氣概自非靈寶敵手唐人宋祖凌敲之詠直田舍語耳其年日跳盪恢奇激揚頓挫讀此詞覺稼軒千古江山一首猶非俊物

又金陵懷古

大江流。日夜寒。潮急。寂寞打空城。想玉樹。曲終。梁塵爭落。金釵垂後。斜月低橫。如今但荒臺存瓦礫。廢殿走麤。甍。桃葉渡頭。半篙春水。莫愁湖畔。一片秋聲。南唐成往事。攝山看斷碣。夢裏三生。千載澄心堂紙。撥鐙書名。歎衣冠王謝。高低禾黍。文章庾鮑。冷落沙汀。依舊龍蟠。虎踞。渺渺峰青。

阮亭曰換頭妙入三味非慧業文人不解括盡梅邨秣陵春一部傳奇其年曰風景不殊舉目有河山之異何必新亭酣讌纔能流涕也

又姑蘇懷古

胥門懸落日。東風軟。人立小斜廊。是越女靚粧。舞停歌罷。捧心無賴。展轉迴腸。難重問。錢江煙水白。橋李陣雲黃。歌吹海中荒。哉旦暮。溫柔鄉裏老矣君王。勾章烽火急。見姑蘇臺畔。長劍如霜。誰念鴟尾相國。目斷危檣。早輕裝一舸。浮家遠去。功成身退。磊落行藏。回首故宮花草。難遣茫茫。

阮亭曰姑蘇錢塘兩起句尤勝其年曰繁華逝水樂往哀來此昔人所以不待管絃終搖鞭背花去也

又錢塘懷古

英雄開草昧。山衣錦。萬弩射潮低。彼吳越一王。高車駟

馬威靈五季。玉册金泥。驚回首。西陵煙月淡。葛嶺斷霞
飛。三竺六橋。老髯曾醉。斜風細雨。和靖頻題。六飛南
巡後。西湖比西子。綠折紅欹。惟憶金明池水。禾黍離離。
想德壽重華。兩宮遊幸。綺羅絃管。繚繞蘇堤。千載江山
如故。還使人悲。

阮亭曰。起句絕似杜公。慘澹風雲會。古稱謝朓。工於發端。較此四章。未知孰爲伯仲。通體感慨淋漓。磬欵作洪鐘響。真奇作也。

美門曰。許渾劉滄以懷古稱雄。唐季此詞亦詩之劉錫鬯曰。懷古四詞。非蘇非辛。非劉絕似陳經國。其年曰。此四闕。吾欲倩向漸離。荆卿諸人歌之。若賀懷智。張野狐。一輩。縱能略說興亡。不過喁喁兒女語耳。切勿令唱此等詞也。

既庭曰。昔人稱馬中赤兔。人中呂布。與今詞中珂雪。皆千古絕調也。

鳳于曰。四闕中。忽爾犀弩霜鋌。亦間作鬣雲香雨。似柳秀才。宴龍宮。細聆破陣還宮樂也。

武會曰。四詞非十五女郎所按。又非大江東北也。其年擬以悲歌擊筑之間。知言哉。

山來曰。懷古情深。激昂憑弔。自見豪邁凌雲之氣。

又 題劉岱儒葭水山房

城南泥水路。蒹葭滿。白露曉蒼蒼。想茅屋數間。中央宛
在。青簑箬笠。何處鳴榔。漁歌發。斜風楊柳岸。細雨薜蘿
墻。鷺立晚汀。點開波面。鴉翻亂葉。界破殘陽。伊人高
臥處。有茶鐺丹竈。布被繩牀。遙指軟紅十丈。應笑人忙。
似煙波釣叟。浮家泛宅。魚鰕結伴。雲水爲鄉。誰道桃花
片片。誤却劉郎。

遺伴翠蓋紅衣。玉井更無尋處。誰把嘉名錫汝。傷蒨
塘蓼岸。歌罷金縷。淺碧初勻。手弄柔波。淡沲難成珠露。
淡秋怕作闌珊別。共三十六陂。淒楚且逐他荇葉。田田
一曲風潭清暑。

八寶粧

咏未央宮銅奩

渭上西風漁牀晚照。鐵網千絲初舉。翡翠迷離光映水。
一片苔痕淒楚。咸陽遺製。花天月地。樓臺峰黃蝶粉重。
重護細字。蟲魚繡斷。依稀金縷。未央拋擲何年。昆吾
村外。溼燐入夜。偷聚慣點綴。鮫宮眉嫵。問飛燕菱花曾
貯。思伴侶。銅駝陌上。黃昏聽盡。瀟瀟雨。算流落人間。下
箱也。出茂陵去。

阮亭日詠一物只與廢之感如讀昭陵玉匣之句
其年日讀竟我亦欲效陌上銅仙淚下如雨

霜葉飛

村居

數間茅屋荒原悄。紆迴樵徑幽獨。半竿斜照亂鴉啼。早
隴頭歸牧。點幾樹丹楓似簇。空林墮葉聲聲續。喜野老
忘機。共領畧清泉白石。閒伴麋鹿。入畫范。緩倪迂。柴
門雙掩。靜對千尺飛瀑。繩牀高臥聽秋風。問何榮何辱。
澆料理牛衣。累屨凝寒未到。溪谿谷。倩濁醪消長夜醉。
裏生涯。悠然良足。

其年日似向子諍
山來日如讀歸去來辭

蘇武慢 元宵雪後作

皓魄初圓。罡風猶勁。剪破彤雲萬里。桂影扶疎。嫦娥清
冷。白玉樓頭似水。銀花作陣。火樹迷空。照見離離珠蕊。
想蜀天積雪。峨眉崖下。佛燈如此。何須問。雙鳳雲間。
六鰲海上。簫鼓聲中。燕喜竹葉橫牕。松陰滿徑。有箇幽
人在裏。白眼誰同。青樽易歇。赤脚層冰遊戲。應難尋。千
樹梅花。長笛一聲而已。

美門曰松筠之况冰雪之懷柳州所云棲神愴骨境
至清也

其年日字字清絕是瑤臺閬苑中人語
武會日峨眉佛燈自有雪以來未經人道

惜餘春慢 雨卷

窈窕紋紗。參差曲檻。無計消他長夏。金鉏匿影。石燕穿
雲。縹緲靈旗來也。隱隱輕雷度時。不惜真珠。拋殘盈把。
似湘妃游泳。玉徽零亂。冰絃彈罷。又疑是。破陣錢塘。
青天飛去。雪霰一時交下。介山昨夜。風雨黃昏。霹靂車
憑誰借。怙悵方塘碧筒出水。初圓怎禁狼藉。助新涼午
夢。繩牀彷彿。聲飄鴛瓦。

沁園春

長夏少事。撫枕輒睡。夢境荒忽。不一而足。
因集古人夢事成篇。

梧影初回。槐角風涼。引入華胥。見蝴蝶園中。翩翩晒粉。
邯鄲道上。袞袞騎驢。蕉鹿慵看。櫻桃空啖。擬上蚍蜉王
者書。南柯郡有同昌嘉禮。覓醉何如。排空馭氣歸歟。

更。嬾。嬾。巫。雲。送。我。車。問。風。雨。連。宵。西。施。曾。葬。鳳。凰。再。降。
蕭。史。焉。居。黍。米。山。川。遽。廬。將。相。一。瞬。悲。歡。付。子。虛。醒。來。
後。對。豈。棚。茗。椀。半。晌。躊。躇。

美門曰足敵子山一賦

阮亭曰令我說夢不能到此

其年日讀未數語是黃梁初熟時

山來曰如許夢境抽揚曲盡真大夢而大覺者

又 贈柳敬亭

席。帽。單。衫。擊。缶。鳴。鳴。豈。不。快。哉。况。玉。樹。聲。銷。低。迷。禾。黍。
梁。園。客。散。清。淺。蓬。萊。蕩。子。辭。家。羈。人。遠。戍。耐。可。逢。塲。作。
戲。來。掀。髯。笑。謂。浮。雲。富。貴。麴。蘖。都。埋。縱。橫。四。座。嘲。詼。
歎。歷。落。欽。崎。是。辨。才。想。黃。鶴。樓。邊。旌。旗。半。捲。青。油。幕。下。

罇。俎。常。陪。江。水。空。流。師。兒。安。在。六。代。興。亡。無。限。哀。君。休。
矣。且。扶。同。今。古。共。此。卮。盃。

阮亭曰概生未足當此借他人酒杯澆自己磊塊耳

扶同二字妙贛君分別黑白不免多事

其年日此詞旗亭畫壁久矣今讀之猶如初脫口也

山來曰快讀一過如聽柳生擊缶雄談

又 病齒戲作

檢。點。形。骸。牙。齒。空。存。凋。零。可。哀。似。潮。嚙。危。巖。豁。欲。墮。
蟲。雕。敗。葉。次。第。成。灰。活。玉。巢。邊。大。郎。遊。戲。狗。寶。從。君。出。
入。來。昌。黎。日。倘。歲。常。落。一。兩。紀。奚。猜。只。愁。三。五。爲。儕。
拚。一。夜。霜。風。散。早。梅。彼。伏。生。牀。上。傳。經。詰。曲。張。君。柱。下。
覓。乳。徘徊。語。怕。成。訛。食。還。喜。軟。遮。莫。廉。頗。善。飯。哉。柔。能。

久。但。吾。生。舌。在。暫。此。啣。盃。

美門曰摺拾齒事殆盡使王搗見之何處更抽扇簾
阮亭曰升老病齒一闕雖稼軒復起何以過之叔夏
公謹不足道也

其年曰傲詭離奇妙絕千古
武曾口嘻笑之章亦復巉嗟叫哨
山來曰我更愛其博奧

又泛舟明湖訪仲愚留飲即事 李道思劉伯敬
繼至

所謂伊人一水盈盈欲往從焉見鴈影蕭條煙波上下
漁歌款乃冬簪便娟雨笠煙蓑瘦瓢竹杖衰柳殘荷望
渺然櫂聲斷恰門橫短港巷面青山一觴一詠流連
殊不似扁舟雪夜還况高議雲生尊同北海勝流狎集
客比西園鴻爪遭逢萍踪聚散絕勝他人交十年拚沉

醉問中秋好月可照湖干

美門曰衰柳殘荷望渺然勝於斜陽冉冉春無際
其年曰結句沉吟不盡大有不愁明月盡自有夜珠
來遺意

山來曰如輞水淪漣與月上下

又題美人畫芙蓉

孌孌亭亭何處折來芙蓉一枝是青溪女士寫生妙手
花光粉膩遊戲為之縱使無情也應有恨月白風輕欲
墮時堪憐處傷沙汀蘆岸掩冉丰姿多愁多病蛾眉
便畫出傷心寄阿誰憶紅樓倦繡輕拈小筆烏絲罷詠
淡抹唇脂更費雌黃枝頭點染添箇翩翩蝴蝶兒吹能
起笑拂蠅成誤老眼迷離

美門曰渾脫劉利詞家所難
其年曰點染寫生不數南唐北宋
又讀子厚新詞却寄

不見激庵六年於茲思如之何憶大明湖畔論心握手
之萊海上痛飲高歌以子襟懷消人鄙吝叔度汪汪千
頃波分袂後想生平意氣暗裏蹉跎驚聞二豎相苛
早伏枕山中歲月多幸清漳第近時過小阮人來不夜
問訊無他拚事醫王未驅窮鬼且負青青六尺簑長安
市悵故人疎放老子婆娑

美門曰不事雕鏤俱成妙詣此絢爛極而平淡生也

憑藉飛鴻貽我一編花間草堂喜風流旖旎小山珠玉
驚心動魄西蜀南唐更愛長篇欽崎歷落辛陸遙遙一
瓣香吟哦久如金荃佳句遂滿奚囊休論小弟行藏
歎筆硯年來已盡荒縱勞他精衛難填閻海傾來米汁
莫測愁腸鳥亦傷心花能濺淚獨對東風舞一場如何
是羨扁舟漁父蘆荻蒼蒼

其年曰劉脫頓挫想見公孫舞劍張旭草書時
山來曰先生長調妙絕古今此詞乃是自爲寫照

讀罷新詞擊碎唾壺悄然以悲任邯鄲枕上重裊列鼎
大槐宮裏貂錦蛾眉未了功名難消磊塊不向空門何
處歸又底事問安期高誓乞取刀圭茫茫大造誰知
况世上原無真是非彼南華齊物呼牛呼馬靈均呵壁

將信將疑我賦三章。為君七發。得愈頭風。或有之。掀髯笑望西山。一帶暮雨。迷離。

其年日僕題珂雪詞有雄淡蒼穩之贈諸公試燈目讀此等詞然乎不

阮亭日以詞代書亦奇山來日讀世上原無真是非一語不勝歎息

又送藍公漪還閩

閩海崎人。凌轢詞壇。飛揚若斯。况煙雲落紙。南宮北苑。錕鋸切玉。周鼎商彝。大翻山頭。鴻都門下。一藝分來自可師。延秋路對西風黃葉。欵帽吟詩。滄浪遺派。攸歸除高棟林鴻。更有誰喜。霜濃月白。共君一酌。短衣孤劍。此去安之。三尺殘陽。兩行枯柳。衰草平蕪。有所思。今行

矣。想舊廬無恙。松菊依稀。

其年日感慨芋綿如讀許渾趙嘏懷古登高諸作山來日如見藍公多才多藝

又日照李伯開作生曠成自題云竹帛誰千古煙霞我一丘。余喜其能達生也。詞以贈之。

表聖之徒。富貴浮雲。能齊死生。憶早年任俠。千夫辟易。中年策杖。五岳縱橫。紫塞黃榆。短衣孤劍。鬱鬱胸蟠。百萬兵。今老矣。向荒山寄跡。汝社藏形。牛眠好卜佳城。便撒手懸厓。自在行。彼麒麟。曩誰當不朽。煙霞沒滅。我本無營。大海潮青。嵐峰月白。樂此安知。後世名君。無語持黃金鑿落。飲若長鯨。

又再贈李君聊廣其意

日月跳丸。虎頭健兒。鷄皮老翁。笑求仙問藥。都無憑據。
靈椿朝菌。一樣成空。羊角扶搖。枋榆棲止。總在茫茫噫。
氣中何處問。有南柯太守。馬鬣高封。達人遊戲神通。
便塚象祁連。蟻垤同甚。珠襦玉匣。牛羊廢壠。金鳧銀鴈。
木黍秋風。天地遽廬。乾坤窀穸。交千載王孫道未窮。今古
恨。是白楊衰草。掩盡英雄。

八歸 題其年填詞圖

散聖安禪。烏衣白袷。淡宕風流如許。酒旗戲鼓。人間世。
博得蕭然驢背。鬚眉塵土。凌轢詞壇三十載。寫六代典
亡無數。翻墨瀋歷。落嶽寄。看海奔鯨怒。誰拂生綃作

照維摩清冷。坐對散花天女。三疊霓裳。一聲河滿。曲項
琵琶金縷。問英雄紅粉。可到相逢斷腸處。想歌闌淡卮
微勸。銀甲春寒。水沉香燭炷。

賀新涼 再贈柳敬亭

咄汝青衫叟。閱浮生繁華蕭索。白衣蒼狗。六代風流歸
抵掌。舌下濤飛山走。似易水歌聲聽久。試問於今真姓
字。但回頭笑指蕪城柳。休暫住。譚天口。當年處仲東
來後。斷江流。樓船鐵鎖。落星如斗。七十九年塵土。夢纔
向青門沽酒。更誰是嘉榮舊友。天寶琵琶宮監在。訴江
潭憔悴人知否。今昔恨一搔首。

阮亭日贈柳生詩詞牛腰束矣當以此為壓卷
美門日如柳州柳刺史種柳柳江邊涉筆成趣
修來日縱金戛玉亦復石破天驚得此兩作敬亭不
朽矣

其年日百十六字括盡梅邨先生敬亭一傳
山來日兩詞嶽嵒屢落骭麟激昂傳神阿堵

又送周雪客南歸

雲際孤帆卷。送將歸。登山臨水。離情難遣。年少周郎江
左去。望裏寒林霜泣。問底事。頻勞雙繭。奕葉才名推繡
虎。共秦淮春水無深淺。逸興到。剡藤展。風流顧曲亭
邊顯。是何年。看山讀書。佳名題扁。擊筑燕臺。文酒伴。自
愧淮南鷄犬。驪駒唱。寧須求免。歸矣。青溪三尺棹。坐六
朝金粉。繙前典。江似練。為君剪。

美門日令人却憶謝元暉

山來日陰韻妙押當與顧菴學士二十二章並傳
敗葉西風卷。近河橋。六花片片。離觴聊遣。撲面驚沙。森
似霧。日暮蘆溝冰泣。寒夜凍馬毛如滿。為愛雲山歸去
好。諒雲山於子情非淺。五岳志向禽展。文章雖以幽
棲顯。更須憑經綸大手。為時盧扁。路近三茅丹鼎在。洞
裏一聲仙犬。塵土夢知君其免。淮水東邊明月上。問齊
梁佳勝。何人典春草。綠不容剪。

美門口稼軒意得之境
其年日剪字妙押

又寄李武曾用朱錫鬯韵

潦倒壇松醉。是何人。單衣白袷。維朱與李。十日蘆溝橋

下別上巳清明之際。看匹馬蕭然高寄。幾度見詩詩總好。詠蠻花。犵鳥無前輩。石鼎倡誰侯喜。杜鵑聲裏人。憔悴問何如。東方索米。千金裘敝。身世頓成風六鷁。不。僅文章而已。慚鹿鹿。遂同餘子。夢裏故人頻握手。送離。愁。幾捺瀟湘水。可想見。吾懷矣。

美門曰。身世頓成風六鷁。真是不經人道語。未許輕分牙後。

阮亭曰。驅使古人處。俱不見痕跡。故是神化。鳳于曰。毫端蕭颯。作秋聲。

又 壬子歲寄家弟用韵

猶記燕臺醉。歎無何。斷雲飛絮。匆匆行李。大纛高牙。今異域。縹緲碧雞天際。有蘋末清颺。相寄。出守一麾。誰抵。

掌。莫長風萬里。成吾輩。不聞見。那嗔喜。中郎阿大形骸。悴。悵年年。陟釐紙尾。毛君頭敝。自是不歸。歸便得。柳下寧辭三已。須認取。安庸男子。夢裏相逢。終幻劇。要徐牽百丈。牂牁水。五岳志。有年矣。

阮亭曰。字字臻到。山來曰。自是不歸。歸便得。然歸後當如蒼生何。又 得來韵再和

駘蕩春如醉。踏東華。軟紅十丈。隨他趙李。前路茫茫。何所似。悶海難尋。邊際。得新句。佳名黔寄。聞道東山堪躡屐。須磨。岬潑墨。驚時輩。頻置酒。羣公喜。天南地北人。同悴。歎婆娑。潘郎鬢影。經霜先敝。三世金環。誰認取。顧。

况中情難已。彼達者延陵季子。槐綠垂垂。侵麥秀。動歸心。一片明湖水。長太息。吾衰矣。

美門曰使人作淥水芙蓉之想

修來日清健高雅一洗靡靡之音快極快極

其年日音節歷落填詞神境

山來日黯寄集已衣被海內然未免有人琴之感

又寄鄧孝威

才子生南國。坐江樓。擁書十萬。百城難敵。高密元侯門。第在伯道。清風奕奕。看威鳳。鸞龍氣色。屈指騷壇。誰執耳。羨葵丘玉帛。長干側。千古事。名山得。慚余潦倒東溟客。望龍門。清塵濁水。蓬蹤疎隔。八月西風吹鴈羽。漫學秋蟲唧唧。攜布鼓。雷庭偷擊。汪季比來情更好。似桃

花流水。淡千尺。空夢到。邗溝碧。

又送阮亭東歸兼悼西樵

倦客歸轅里。恰三秋。霜林葉散。鯉魚風起。四角紅氍驀子。背躑躅。河橋之際。趁不上。東華宵騎。三疊淒涼渭城曲。感生平。清淚如鉛水。知我者。惟兄耳。重逢蕭寺人。憔悴憶君家。中郎阿大。清言何綺。杳矣人琴。千載恨。宿草吞聲未已。離緒到中年。如此生。不成名。身已老。歎虎頭食肉非吾事。空擊筑。長安市。

美門曰送阮亭非此詞不稱

其年日長安秋夜讀此詞一過如聽鄰家笛聲我不

忍竟此曲也

武曾曰尋常聚散悽惻等於河梁令人增交道之重

又鴉陣

鴉陣來沙渚。逗輕寒。霜天一抹。晚紅如縷。掠下晴牕。驚
帛裂影。逐斷雲歸去。伴黃葉蕭蕭亂舞。寒話空林飛且
止。似商量。明日風兼雨。聲啞啞。倩誰訴。黃雲城畔。知
無數。趁星稀。月明三匝。一枝休妬。鴈字橫斜。紛幾點。極
目江村煙樹。惆悵煞。落霞孤鶩。啼向碧紗。堪憶遠。最淒
涼。織錦秦川女。空房宿淚偷注。

美門曰。更不須唱烏夜啼矣。

阮亭曰。似商量。明日風兼雨。句造神境。

峨眉曰。極類史邦卿咏燕。

錫鬯曰。神似竹山。

其年曰。作使古人妙于無跡。真飛針繆線伎倆。

武會曰。是中有斜有整。有分有合。正如韋郎用越筆。

點簇鞍馬圖。手捺墨水。曲盡其妙。

鳳于曰。梅溪咏燕。軟語商量不定。此商量風雨當並

推絕唱。

山來曰。觸景生情。匪夷所思。

又放魚

縱爾遊溪壑。早徜徉。靴文細浪。擲梭騰躍。老子長齋。無
所用。忍見刀砧揮霍。活汝者。陽侯一勺。莊惠臨濠。頻問
答。子非魚。何以知魚樂。吾意在神冥漠。金溝流水環
城郭。更何殊。滄溟無際。鯤鯨盤礴。幸免漁蠻垂釣手。咫
尺江湖自若。從此去。好生頭角。恩怨於今都忘了。任隋
珠相報。甘投却。看六字。莽寥廓。

美門曰。想見實庵胸次。

阮亭曰。甚厭人。輒以稼軒許人。如實庵。遂無愧色。

山來日先生佐郡吾鄉六邑皆有悠然之樂于此詞
可見一斑

又冬夜書懷

斜漢西南落正繁霜。關河淒緊。攪林風惡。歷歷大星垂
幾點。光射五雲樓閣。聽寒夜數聲殘。柝濁酒一杯澆磊
塊。笑枯腸那得生芒角。吾所志在林壑。鯁生福相天
然薄。對西風稜稜瘦骨。支牀如削。老矣北堂人健否。夢
裏乍逢還覺。慚愧殺林邊烏鵲。頭禿毛君歸亦得。淡生
涯老瓦盆中樂。追麴犢力耕作。

美門曰激昂自喜

山來曰英雄本色名士風流兼而有之

又送霖

慘澹征車發。正連宵狂飈拂地。瑤琮金鐵。老淚臨歧餘
數點。灑向關山殘月。笑舐犢年來更切。歸去高堂頻問
訊。莫輕言遊子傷神絕。人兩地。腸干結。匆匆慣作天
涯別。似孤鴻雪中畱爪。翩然飛越。一束書囊驢子背。老
僕長鬚整躡。惆悵煞鳩巢計拙。弱妹牽衣遲汝去。意徬
徨爲我添嗚咽。今夜在誰家歇。

美門曰情至語聲淚俱咽

其年日讀至此等詞不忍言佳惟微吟密咏而已

又爲其年題詞

光怪騰蛟蜃。化髯公。壺中墨汁。離奇輪囷。海若驚飛天
吳走。翠節靈旗隱隱。憑誰話六朝金粉。譜入鴟絃三千

曲寫水車鐵馬無窮恨。數紅豆記宮本。烏衣王謝江東俊。是當年將軍猿臂虎頭猶困。羸馬敝裘銅駝陌。博士賢良待問。賦朱鷺黃驄惟謹。擊筑且隨屠狗輩。任西風吹老滄浪鬢。秋氣肅。鴈聲緊。

又送洪昉思歸吳興

年少愁如許。嘆羈縲京華倦客。雄文難遇。廣漠寒風吹。簷策彈鋏。歌聲太苦。且白眼看他詞賦。單絃岑牟直入。座拚酒酣。搗碎漁陽鼓。欹帽影掉頭去。湖山罨畫迎人住。溯空江白雲紅葉。一枝柔櫓。歸矣家園燒笋熟。五岳胸中平否。學閉戶讀書懷古。舟過吳門。煩問訊。是伯

鸞德耀傭春處。魂若在定相語。

又二月二日宜岳州捷是日大雪和其年

鐵騎連營下。美奇謀真同六出。烽銷荆野。試問洞庭深幾許。春水纒堪飲。馬露布到甘泉宮也。殿上雲迷三素色。正仙人玉戲。飄鴛瓦。簾影動。冷光射。方圭圓璧。渾無價。近蓬萊。天顏喜氣。玲瓏欲化。白虎幢前霜戟擁。茶作軍容豈借。積三尺瑤華不夜。遙想瑤樓歌舞處。延鄒生枚叟。珠璣瀉。恩波淼。入清灞。

又詠芙蓉

急雨跳珠濺。洗長汀琅玕三尺。亭亭如箭。燕尾點波渾

不定一縷碧霞輕剪。笑菱角鷄頭價賤。葉爛西灣人別。
後最蕭條。玉露秋風戰空極目。楚江遠。漂流萬顆沉
雲散。伴寂寥。蓮房墜粉。紅粧零亂。蘋末驚鷗。連紫籜穩
宿沙洲。鳧。任漁艇釣絲斜。骨聞道彫葫。堪作米。莽披
離太液池頭。徧畱取配青精飯。

又地震後喜濂至都門

乍見啣悲喜。又經過。空花泡影。途分人鬼。瘦骨崑崑驢
背下。強拭闌干別淚。帶秋雨。秋風情味。爾未成名。吾將
老。問荒田負耒何年事。生計在尚餘幾。傳聞消息。驚
千里。累衰親蕭條白髮。關心遊子。無限蒼生。歸劫火。我
熒一點搖牕紙。燕酒薄。那能醉。

其年日樸老高渾老杜歌行
山來曰真率中自饒至味

摸魚子 拜墓

幾年來西州拜掃。羊曇傷盡懷抱。心驚寒食棠梨雨。又
是粘天衰草。尋壞道。知多少。飛鳥啣紙青山繞。頽垣桑
棗。算只有牛羊。日斜來下。拍手牧童笑。千秋事誰定
榮華壽考。北邙松栢多了。豐碑鼠窟。崢嶸處。一樣西風
憑弔。吟望好。君不見玉泉流水濺濺到。單衫破帽對吹
角。殘霞打頭。敗葉寂寂古原悄。

下
美門日色絲幼婦。蓋日舍辛白髮。門生薤歌助挽。俯
仰千秋同茲一痛。
其年日傷逝之言極其悽惋。

又 咏萼

好清秋。江湖滿眼。畫船鷗鳥爭路。柔花嫩葉。何人摘。兩
兩輕舸如鷺。君莫誤。須珍重。離白露。爲霜處。滑絲凝
筋。憶千里東吳。未施鹽豉。入洛舊時語。青門外。蘋末
涼風微度。片帆乘興歸去。此行但爲鱸魚膾。那得關情
如許。君莫妬。須記取。青山紅樹空江渡。夢回鳴櫓。溯萬
頃平波。田田荇葉。欹枕對煙雨。

武會曰士龍語翻別盡矣正以直書見老
山來日逸致遙情儵然自遠

又 西直門外作

北邙邊。高低丘壠。縱橫無數。羊虎玉魚金椀。何時葬。又
見斷碑如礎。魂自語。須認取。文章功業。難憑據。白楊老
樹。戰一片秋聲。向人頭上。颯颯作涼雨。西州路。敗笠
青衫。羈旅緇塵。撲面來去。黃蘆苦竹。千秋恨。都付紙錢
飛處。天已暮。想入夜雲旌。風馬精靈。度荒涼三戶。共塚
上狐狸。山中木客。同結歲寒侶。

其年日月黑燈青魂消千古絕作絕作
朱竹垞曰此等詞惟白石飛仙有之叔夏仲舉亦不
能道也
書樵曰白楊老樹以下字字驚心動魂

又 答沈融谷

坐江樓水甌滌筆。新翻水調南浦。瑤華飛落長安市。紅
豆譜來非誤。良夜聚。有多少。烏衣白恰同罇俎。悠然懷
古。甚蘭畹金荃尊前。復雅未抵玉田句。淡卮勸從事。
青州太苦。匆匆鮭菜無序。虎房橋畔霜花冷。撲上征衫。
如霧君且住。君不見團圓好月參旗度。高齋歸去想鳳
味。嶙峋龍賓磊落。又寫麗情賦。

又 題錫鬯蕃錦集

裊茶煙吟成樂府。旗亭畫壁無數。龍梭一擲光凌亂。碎
剪碧霞千縷。紅豆譜。彷彿似方圭。圓璧水花鑄。高岑李
杜。入主客圖中。新聲古調。總屬麗情句。前身是白石。

仙人非誤。精靈虎僕。輸汝長安。簫鼓千門。熱閉戶。著書
良苦。寒欲去。又早是春燈金蕊。琳瑯處。天衣重補。羨妙
手。針神絲絲無縫。莫被夜來妬。

又 寄贈史雲臣

繞荆溪。數間茅屋。竹山舊日曾住。吟花課鳥。無遺恨。領
袖詞場南渡。逐電去。誰更續哀絲。脆管紅牙譜。湖山如
故。又幻出才人。鏤冰繪影。抒寫斷腸句。鷓絃上。彈入
蝶菴金縷。平分髯客。旗鼓。搓酥滴粉。方成調。偷換羽聲。
淒楚。推獨步。須信道。秦黃蘇陸。無今古。江東日暮。想席
帽。風欹春衫。酒溼行過翠籐路。

其年日結數語如見蝶庵風度
武會日起調清蒼尾音問雋

又方渭仁葺健松齋幸園松之存也詞以贈之

響晴濤綠陰半畝神龍拏攫煙霧關門一夜喧銅馬波
上鯨鯢爭怒鳴戰鼓有多少蘭亭梓澤皆塵土午橋如
故縱劫火茫茫斧斤不到交讓大夫樹江東秀王謝
衣冠最古五陵佳氣呵護霜皮黛色年年在點綴菊畦
桑苧俱園名誰種汝須記取黃山白嶽移根處婆娑自舞
看五鬣蒼然向人頭上說婆滴秋雨

又謝念東先生惠藥

問先生丹砂幾粒是誰搓得如許金膏九轉匆匆熟吹

落半天風雨顏可駐君不見淮王鷄犬雲中去且留小
住待紺髮徐生虬髯更紫重覓玉京路人間世只有
鬚眉良苦地黃蘿蕨相誤黑頭自笑渾無用一任秋霜
千縷飄弱絮有多少北邙年少無尋處尻輪堪馭縱親
到神山便能屈曲俛首看人否

其年日作達之言更增悽楚病中讀之尤難為情
山來日憂能傷人恐蘿蕨地黃不任受過奈何

金明池大熱有懷蓬萊閣

大海涵青丹樓聳翠淼淼鴻濛奧府蜃氣蕩雲車鬼馬
貝闕擁鮫妹龍女望扶桑幾點煙螺便打疊鰲背匆匆
歸去更荒島人煙斜陽草樹嶰籩魚魯淒楚安得披

襟常臥此對銅井金波。冰輪初吐。無從覓湘靈鼓瑟。但可向安期乞霧。醉婆娑。晞髮臨流。任萬斛天風捲晴吹。雨縱爍石流金。凭欄一嘯。試問暑歸何處。

阮亭日起二語奇偉有千仞萬里之勢其年日瑰麗非常總是龍宮機杼

笛家

九日長安遺典和其年

黃菊浮觴。紫萸盈把。露涼風細。匆匆早是秋將暮。天街如蟻。燕尾鬟鬆。卓金車響。紛紛兒女。剪綵旗。旛花糕擔。子知送誰家去。葉爭飛。鴈初緊。只少滿城風雨。情緒不堪搖落。龍山戲馬。何處追遊。破帽單衫。一襟塵土。試問故國荒涼。宅榭草長。欲齊嗒否。淡巷人歸。華堂客醉。

作陣鳴腰鼓。聊送日夕陽邊。惟見碧雲千縷。

又九日蛟門招集諸子遊黑龍潭

野水拖藍。遙峰疊翠。嫩涼時候。閒人那不登高去。城陰杜曲。幾樹枯楊。幾層頽壁。當年遊處。橘井苔腥。曉堂霧溼。莫作重陽雨。話新寒。晚鴉急。客子羈愁添否。良晤峭帆乍歇。玉盤鮓菜。斟酌南烹。蟻綠鱗紅。十觴連舉。只少繞砌黃花爛熳。空負數聲金縷。拂拂鞭絲。垂垂帽影。行過風潭路。月上也。恰當頭。共聽荒畦人語。

其年日幽窅崢泓似子厚遊山諸小記山來日景中有情詞中有畫

畫屏秋色

送舅氏之唐山廣文任

行李蕭條去。騁遠日禾黍芄芄驛路。督亢陂荒。滹沱浪急。亂雲天暮。韋杜舊家聲。早打疊寒氈辛苦。聽一片鳴蟬訴。况夢繞西州。哀湍壞道。知在斜陽一帶。蒼然平楚。無語銷魂。羈旅更莫去。傷今懷古。十年踪跡。一番離別。悲歡無據。馬首又他鄉。烏衣巷口人何處。苜蓿闌干堪煮。上日及新秋。為語天邊好月。分照兩人愁緒。

阮亭曰生存華屋處零落歸山丘讀夢繞西州哀湍壞道數語令人氣盡

蘭陵王 送二舅之沅州

嶺雲白。湖草粘天弄碧。湘煙淡沅水分流。弱柳絲絲。行色武陵南下。驛漸入。枕榔瘴黑。鶉聲裏鐵騎連營。一

髮青山望京國。依依感疇昔。記巷口烏衣門邊霜戟。電光石火音塵寂。愁一肩行李。半林斜照空祠。榕暗嘯木客衡陽。鴈程隔。難覓謝公屐。問橋井遺踪。郢雪荒宅。參軍蠻府工書檄。念東第淒冷。北堂晨夕。寒螿啼徹。聽砌語助太息。

鳳于曰語帶風煙以此作南征障子當夜聞水聲不但鶉啼猿淚也

大酺 石林席上聞絃索

正酒船行人聲寂。好月如珪偷照。鳴鷄初入破。響風箏刀尺。麻姑手爪。銀甲徐調。冰絲輕撥。啄木丁丁。小鳥空山無人處。任花開花落。洞天淡窅。忽變作玉關。千群鐵

馬平沙衰草。吳儂歌縹緲。嘆舊曲誰似臨川好。遮莫向岐王筵上。崔九堂前。琵琶彈出傷心調。未抵繁絃巧。引蝶翅蜂鬚相惱。但羈客青衫老。奈何頻喚。頓減中年懷抱。鬢邊明日白了。

玉女搖仙珮

與米紫來論詞卽書其集後

才人剩技。削玉團香。有得離奇如此。繡嶺宮前。苧蘿溪上。一一傾城姝麗。更把繁絃倚似。飛仙劍客。乘風遊戲。怨離別。青衫紅袖。消向琵琶羯鼓聲裏。沙石砉然驚苦。竹黃蘆暗。啼山鬼。省識紅鹽妙理。換羽移宮。墮盡關河人淚。細數名家。晚唐南宋。漫說蘇豪柳膩。海岳當年。

齋平分取書畫船中風味。又證入金全蘭晚。小山白石。天花亂撒。珊瑚碎。酒邊珍重烏絲字。

其年日逃離情况渾脫激昂都不作吳兒細咳鳳于日駢金麗玉中丰神飛動此贈言絕妙好詞也

又詠魚苔牋

剡溪玉葉。渲染神工。却倩銀塘丹鯽波。面揚鬚鏡中吹。雨飄入碎萍無力。一抹空明碧。問何人拾取水天顏色。欲偷寄飛瓊片紙。怕似方諸滴淚。難識驚萬縷千絲。莫是珠宮鮫姝輕織。不辨河山一氣。潮落潮平。納納乾坤生白。杳靄嵐光。迷離樹影。總帶蠻雲腥澁。造物莽搜索。有多少寒火温泉奇跡。渾未抵浮漚隱現。綠瀛滄島。

苔痕掩映荆關筆。憑誰為訊騫霄國。

阮亭日題不經見詞亦迷離奇幻如觀化人之戲其年日一氣混茫

多麗 送葉慕廬南歸

恰新秋。一夜涼颼聲急。指湘皋。晚煙淡處。章華臺下。荒宅挂蒲帆。白蘋鄉裏。鱸魚破玉盈尺。赤壁江聲。烏林戰地。楚南形勝。依稀記得。擊銅斗歌成。慷慨。棹碎空明。碧東籬畔。黃花滿徑。應待歸客。憶燕市。匆匆文酒。西山亂入遊屐。動公卿。五雲詞賦。才子人稱。揆天筆。姑射仙姿。苧蘿妹。麗如君。流落也。堪惜。悲團扇。班姬未老。永巷青苔隔。桑乾路。驢背書囊。席帽歌側。

其年日聲情婉側極似片玉詞

山來日恍慨悲歌纏綿悽惋直欲敲碎唾壺

小諾泉 晚尤展成夫人

德耀眉齊。少君車挽。十載牛衣人淚。憶當年白恰翩翩。比肩蘭蕙。夫子龍城綰綬。紫塞風沙難避。賦歸來還共。東籬憔悴。咏絮庭閒。篝燈門閉。慰白頭佳兒佳婦。百歲相看何已。蝶夢醒。偏無幾。日下蒲輪。江邊桂楫。驚起山中濃睡。全不管西風病骨。懨懨情思。環珮珊珊去矣。垂老寧堪傷逝。轉眼便泡影空花。相似綺戶。絲繁鏡奩。塵細怕黃昏微雨。疎簾滴到愁人兩耳。更莫聽蛩吟碎。

鳳于日繁音哀亂似潯江夜奏不堪終曲
山來日可作賢媛小傳

哨遍 題萬柳堂

何處嬉春踏青挑菜。鄴杜城南地。過危橋夕照恰當門。
亂擁入群峰螺髻鬱坡陀。綠遍粘天芳草。粼粼十畝風
潭水。看萬縷千絲交柯接葉。掩映長空無際。問當年誰
折永豐枝。已彷彿靈和殿裏時。欲起還眠帶雨拖煙。昵
人情思。是相國滄洲逸興。萬象含生氣。忘機魚鳥穿
林啖影任遊戲。更石笋排雲花香作霧。東風一剪。蘼蕪
翠。梁苑詩篇西園賓從。點綴平泉佳麗。羨新荷驟雨遺
踪如此。似歐冶池邊溯漣。而恨只少篋管谷意。喜得賜
沐餘閒。小駐東華騎。河上清明洛濱被襖。油壁鈿車來

矣。年年渲染費春工。且自與人同樂耳。

武會日二百一十字外尚似有餘。此長調中能事也。諸家無此筆力。輒以狹巷短兵移之車騎之地。鮮不敗矣。

書樵曰：是爲鐘呂大聲。不同絲竹細響。

鶯啼序 送牧仲權稅贛關

憶隨羽林十二作英雄。指顧正補袞黃閣。初開城南尺
五韋社。屬車下參差豹尾。新豐樹杪旌旗度。佩雙鞬馳
電。長河馬嘶水路。獵騎纔回。小篆乍裊。誦琳瑯好句。
讌梁苑賓客。鄒枚勝流。齊奉樽俎。泛扁舟重尋赤壁。是
玉局舊曾遊處。嘆臨臯一段風流。杳然千古。京塵再
染。屬國旂常。九賓看拜舞。又移入白雲司裏。鷄占香賜。

下
綽約雙鬟旗亭歌賭。衍波紙寫。驚心動魄。廣平冰鐵梅
花賦。問枝頭紅杏。今能否。銅龍命下。持衡賤布。賣錢片
帆欲飛南浦。清江似鏡。章貢分流。是天開大府。最好
向鬱孤臺上。極目夕陽。幾道蠻煙亂。垂平楚。乘槎漢使。
登樓清嘯。驚濤拍拍。千尋下。聽榕陰木客吟詩苦。載將
廉石歸來。滿酌蒲桃。歌翻舊譜。

其年日章法絕妙是廬陵一篇送行文字一起陡
健舉

山來日石破天驚洵可推倒一世開拓萬古

珂雪詞補遺

卜算子 秧針

欲製水田衣。難學天衣縫。倦繡空中亂唾絨。點點楊花
弄。卓影刺波明。補得青莎空。乞巧穿來定幾時。秋老
無人共。

浪淘沙 午夢

午夢費追尋。行遍園林。落梅如雪滿庭陰。粉蝶遊蜂紛
去住。又是春深。鄉信抵黃金。雲水沉沉。先生老矣廢
長吟。喫飯著衣些箇事。忙到如今。

又 詠史

秋老伏波營。海氣淒清。鷓鴣啼上越王城。玉几金床何限恨。紫殿苔生。霸業總颺零。青蓋亭亭五千甲。楯憶行成。回首羊車遊幸地。多少娉婷。

木蘭花 重九發皖城

黃昏急雨跳珠露。五兩迎潮打槳去。烟螺一點認龍山。暗憶西風吹帽處。魚床。蛸斷紛無數。夜火陰沉隔江步。寒蘆颯颯走濤聲。十萬饒蛟為誰怒。

春草碧 題梅雪坪小照

春風作意淹愁客。晞髮弄琅玕。千條碧脉脉。空谷佳人翠袖無言。鎮相憶。過雨嫩苔生。流光濕。莫是擁髻燈

前。翩然獨立。認他桃花紅。梨花白。劇憐画裡都官。朱霞天半無人識。高唱紫雲回。消受得。

滿江紅 詠青陽署中老桑

輪囷離奇。常自是。參天溜雨。髣髴似龍纏蛟鎖。獸蹲鯨怒。衣被神功。歸草木。絲綸大業。生機杼笑。倡條冶葉。亦何為。紛如許。溝中斷。青黃取。冥靈壽。蹉跎補。幸斧斤不到。先生宥。楮定有烟霞興。左右何年。廟社煩鐘鼓。數春秋。又過八千餘。喬松侶。

百字令 婺源道中記所見

濕雲潑墨。儘連宵做弄。碎瓊零玉。灘雪驚飛。流不定。輒

軋水車。翻軸山。鬼荒祠。女郎遺廟。擬聽秋墳曲。亂鴉枯
樹。峰腰猶抹青綠。莫是洪谷雲林。匆匆渲染。健筆能
醫俗。一縷炊烟來木末。籬落人家堪宿。烏柏紅銷。櫻欄
葉散。掩映千竿竹。數杯濁酒。敵他簷際風肅。

木蘭花慢 題文孝祠壁

拜昭明遺廟。臺下水自淪漪。想文選樓中。銅龍晝暖。玉
簡宵披。摘詞六朝金粉。遍千秋作者。沐恩暉。兆始乘雞
牽犬。禍成白馬青絲。靈旗襍佩。葳蕤鼓坎坎。舞傲傲。
嘆故國山川。鄉人伏臘。舍此安歸。追維湘東太忍。使江
陵文武。盡灰飛。但奉九郎神在。重遊幾度沾衣。

臺城路 為熊封題金陵覽古詩卷

騎驢蹋遍臺城路。秋風更兼秋雨。朱雀航邊。莫愁湖畔。
有底關情如許。英雄割據。歎鐵鎖銷沉。龍驤飛渡。彈指
聲中。匆匆暗送六朝去。金床玉几。盡變變涼。螢滿院。
動人愁處。夢裏三生奈何。頻喚禪榻。髻絲千縷。精靈虎
距。和冷雁哀猿。江山重數。嗚咽寒潮。蘆花飄正苦。

附 滿江紅 前題 濂 蕨水

滿紙閒愁。一似聽深夜杜鵑。知君過石頭城下。玩弄
唵鞭細雨。看山春草路斜。風蕢酒夕。陽天儘六朝金
粉。寫新詩雲母箋。青溪水。生暮烟。白門樹。倦飛綿。

補遺

憶梁州子夜歌舞當年兩岸衣香調錦瑟一江花氣
浸紅粧問舊時桃葉與桃根情暗牽

金明池 前題

霖 掌霖

絮帽穿花雨襟間渡踏遍烏衣巷陌歎此地閱人多
矣夕陽裏何限陳迹任開金斷粉零香早十幅蠻箋
怨紅愁碧謾凝想當年銀床金井一片臙脂痕濕
我亦飄零江南客便玉樹歌聲怕教聽得青溪岸荒
苔露草桃葉渡冷烟寒日悵平湖春水茫茫問甚處
曾窺脫娘顏色且小拍紅牙將君法曲譜入一枝橫
遂

買陂塘 前題

霈 叔甘

悵年年攝山欹帽柔情如水難賦羨君青鏤江花燦
寫出興亡無數唵斷句愛解道畫樓簾幙春風度英
雄兒女算藻井雲廊金戈鐵馬寂寞少尋處問何
似子夜歌聲淒楚疑聽哀弦危柱莫教喚起蕭陳客
重怨幽香冷雨朝又暮任空打石城嗚咽寒潮怒江
村烟樹待白舫期君一篙兩槳共泛莫愁渡

金縷曲 前題

湛 季冲

醉舞纏絲稍把新詩琅琅唵向碧天寥廓結綺臨春
皆塵土何許畫簾珠箔休更問孔張眉角白石無情

補遺

紅袖冷。正關卿何事。思量著。秦淮水。尚如昨。無端
三歎從中作。歎銷沈。文章庾鮑。風流昉約。幾曲紅墻
零亂處。愁見宮槐葉落。賸蕭寺。夜魚風鐸。獨抱琵琶
彈明月。一聲聲。彈出白翎雀。驚簌簌。響秋籜。



